




善書寶鑑

風陵文庫

文庫19

F 276

4



文昌帝君覺世經

風陵書屋藏本

惟皇降衷。有善無惡。氣拘物蔽。遂漓其天。自暴自棄。實人之學。
 心統性情。本至虛靈。聖狂攸分。在茲罔克。仁義禮智。孝弟忠信。
 孰不培此。寡廉鮮恥。敗名喪節。孰不壞此。驚天事業。震古勳猷。
 揆厥由來。根其方寸。戰兢惕勵。尙恐不暇。放失怠惰。將何底止。
 大學明德。專歸誠意。慎獨無欺。方為自慊。齊治均平。聲教四訖。
 中庸首章。卽言天命。率性謂道。不可暫離。中和位育。參贊造化。
 性近習遠。宣聖諄諄。舜跖分途。孟子亦云。君子德行。自強不息。
 積善之家。必有餘慶。從逆則凶。惠迪則吉。上帝臨汝。無貳爾心。

莊敬日強安肆日偷往哲垂訓炳如日星嗟爾世人趨炎附羶嗜慕攻取貪婪忿恚姦偽妬嫉愛河慾海終身陷溺翻雲覆雨風波頃刻機械變詐陰險傾側行若鬼蜮心同蛇蝎所秉天良牯亡喪滅縱存一線自謂迂拙事君不忠事親不孝兄弟乖離夫婦瀆狎朋友嫌隙如此等人是謂禽獸受諸魔障遭諸惡劫近報自己遠報兒孫田夫織婦工賈行戶有能行善忽然發達簪纓世家書香舊族不善日積亦遂唱越上天降鑒豈在門閥聖賢福利雖屬兩途相因而至理與數合得則兼得失則兼失愚夫鹿鹿蠅飛紙窗蟻撲火燈迷而不悟前車誰鑒欲仁仁至

何憚不爲視聽言動非禮則勿日復一日由勉幾安淫念毒念驕心吝心邪見僻見幻想妄想自皆斷絕昔孔子曰毋意毋必毋固毋我誠至斯明抑以先覺卽釋氏言空諸色相故無恐怖顛倒夢想卽老氏言保守三關斬除三尸元神結聚儒家聖人釋家佛子道家祖師總是此心持而不失純一無僞生大智慧放大光明得大福利所願皆遂疫癘水火刀兵囚獄一生不染生享榮華歿列仙眞還其固有未嘗神奇去其本無未嘗矯拂素位而行不願乎外心能平等事皆方便強恕而行絜矩之道敬老憐貧矜孤恤寡拯危救急解紛排難談論閨門攻訐陰私

善書寶鑑
一切捏謗口業莫贖。編造歌詞。著述邪書。縱無確指。受禍最烈。惜字如金。惜米如珠。天物不暴。壽命長延。好是懿德。樂善不倦。化導愚頑。轉移風俗。子孫繩繩。獲福無窮。舍是他求。豈不悲哉。

梓潼帝君降筆戒士文

聰明正直而依仁。甯無所擇。寬厚忠信而好義。是用相仍。故憑有感之精衷。曲示無聲之教化。咨爾有眾。聽予格言。蓋聞富貴在天。得失有命。知之者安於自然。而罔或控告。昧之者貪於必得。而有所祈求。或謂精神交而夢寐通。或謂祭祀豐而神祇格。宮殿樓觀。務碧瓦之翬飛。陛戟廟廊。誇朱欄之雕翠。從茲末務。失其本真。不知進退存亡。係彼三班四屬。行藏用舍。考之五部六臺。既有司存。豈容計取。然不可一拘於前定。又不可迷昧於進修。故修身勵行者。天必降之百祥。而反道敗德者。神亦奪其

五福理所著者。人弗知之。是故運數冥符。而反受其殃。災星顯照。而或蒙其吉。造化以之倚伏。神明由是乘除。凡厥儒流。恭行教法。汝等毋欺天遠。毋謂神幽。毋言暗室可欺。毋道明庭不畏。毋凌孤寡。毋侮耆成。毋取不義之財。毋淫非己之色。毋厚結他人。而親戚歧路。毋義交異姓。四兄弟鬩牆。毋恃己長。毋攻人短。毋好逸樂。毋縱畋遊。毋負才名。毋挾官貴。毋厚仙釋。而薄於父母。毋敬鬼神。而慢於師資。苟有負於吾言。斷不逃於天憲。故生平俊彥者。累困於場屋。一旦精明者。遽登於鄉書。皆有因緣。固非造次。世之腹誹心謗者。往往得以藉口。人之面譽背毀者。悠

悠。姑以欺心。彼司文衡。而豈得以私此稽祿籍。而故先有取。濟濟多士。天其或者臨之。巍巍成功。吾則是之。取爾播告中外。咸使聞知。梓潼帝君又戒士子文。

今歲取士不止一端。要在得人以副眾望。一以陰功孝行爲上。次以處己謙和爲賢。苦學者則酬其勞。才高者則遂其志。傲忽者未免黜落。輕薄者姑示勸懲。文章假之以定其去留。神明司之以公其予奪。人不自省。明示訓言。嘗謂惟士無能。吾學爲能。居貧未富。成名卽富。士無分於貴賤。人切在於勤勞。凡大比先較德業之短長。故有司始定文章之優劣。不可謂前定。而不能

力學。豈可以宿緣而自怠。操修名雖曰士。初無士行之寸長。身雖曰儒。徒爲儒服之觀美。不敬天地。不信神明。狎侮老成。輕慢前輩。違逆父母。而逸樂度日。凌忽師長。而放蕩無時。試不遂則罪有司之不公。榜初張則謂庸流之濫得。責人者不能於責己。議人者乃所以議天。或恃己之見而過人之能。或術己之長而攻人之短。或因所學而忽畧一世。或恃一解而輕視衆人。立身不正。則以曖昧貪饜爲能。用心不臧。則以機巧詐變爲勝。較短論長。而不從公道。奪彼予此。而弗恤人言。面譽背毀。而求苟合於人口。是心非而絕不容於物。外貌雖慈祥。徒巧言而美語中。

情多忿狠。好潛賊而陰謀。不擇乎友。而交不義之朋。不和其室。而淫非己之色。捨己田芸。人田失云多矣。作無益。害有益。損孰甚焉。與鄉薦者自爲志得意滿。不復進修。入省闈者。則曰功成名遂。直可唾取。恃才傲物。挾長欺孤。常交貴結援。而每誇等流。以隻字片文。而蔑無同輩。在市井。則和合貿易。以覬其所得。遇州縣。則鬪合爭訟。以滿其所求。不忠不孝。甘心冒法。而喜爲非禮。非仁直情徑行。而弗顧遊樂無度。博奕廢時。耽飲而自喪其神。逞威而乃敗於德。致屢困于場屋。安敢望于榮華。况三年初無伏案之功。而一旦遂蒞登科之望。稍無成。直歸于命運。纔有

力專務于禱祈。不知天憲之難逃。深恐人心之易惑。出處語默之際。天必察之。進退予奪之間。神所司者。豈容倖取。不可計求。苟有行業之可書。奚患飛騰之不遂。邇者營業相傳之後。屢有聲名儒冠世守之家。反被黜落。不知營業之子。安分讀書。無形顏色。每見儒冠之後。自恃名族。多有驕矜。神明公取。專激勸于輕薄之流。天道左旋。用獎予於淳樸之士。若能自悟。晦跡韜光。望欲有成。勞心苦志。曲盡陰功之事。務存忠孝之心。返乎上古淳朴之風。無流末劫偷薄之俗。自然詩禮傳家。科名復舊。謙和處已。氣象如初。天不負人。人宜力學。凡爲士者。各宜戒之。

文昌梓潼帝君訓士子文 三條

康熙甲寅秋日

文昌梓潼帝君降乩命彭定求宣示弟子訓辭曰。吾爲士大夫一十七世。未嘗不孝父母。不忠君上。不順師長。不信友朋。不恤貧窮。不護愚魯。不以富貴驕人。不以才能炫已。不以聲名奔走四方。不以事功侈傲鄉黨。一惟以謙和柔順。誠敬居心。故能積陰功。力行善事。永脫輪迴。直登道岸。今司考核士子功過。以定黜陟。汝等皆知敬我。不知敬身。皆知事我。不知事親。皆知奉我。不知奉君。種種罪愆。士子尤甚。豈不愧于聖人之教乎。吾故

命彭定求宣示吾訓。今後士子有志功名，不徒在幾篇文字用力，也不徒在臨老奔營也。不徒在求闕求節以干王法，也不徒在沽名炫美，結社結盟以延聲譽也。人心可欺，上天難昧。我元皇早已洞察士子之居心矣。早已洞悉士子之行事矣。早已洞見士子之五臟六腑矣。功名之際，得失遲速，不差毫髮，不差時刻，不差筋兩者也。爾等何爲終日讀書，不知書中所說何事，所當行者何事，所當戒者何事，惟自爲而不爲人，惟務名而不務實，惟好利而不好義，不知孝弟忠信，不知禮義廉恥，身列衣冠，行同狗彘，捫心清夜，恐亦難安。尙欲妄想功名乎？所以聰明俊

秀之子少秉英姿，至垂老而沉淪淹滯，所以豪華貴介之冑，父兄蔭庇而沒世不離銅臭，所以單寒勵行，遂至青霄，所以薄福短年而挽回造化，所以貧窮孤苦，終受榮華富貴，不在天也，死生不在命也。士子各宜猛省吾言，無視爲老生之常談也。彭定求頗能知此道理，我故降乩其家，命其廣勸，此我一片婆心也。

特諭

帝君又諭曰：吾爲士大夫一十七世，何嘗不以濟人利物爲心，何嘗不以功建名立爲事，何嘗不以爲善去惡爲務，何嘗不以修性養心爲要，何嘗不以敦倫知耻爲先，何嘗不以事君事親

言身身身
為重何嘗不以友于兄弟為宜何嘗不以夫倡婦隨為切何嘗
不以朋友切磋為樂何嘗不以澹泊甯靜為安何嘗不以剛方
正直為性何嘗不以我子我孫為本何嘗不以己財己物為輕
何嘗不以我死我生為大何嘗不以我榮我辱為微何嘗不以
我功我罪為實何嘗不以人非為緩何嘗不以我得我失
為數何嘗不以人得人失為情何嘗不以我宗我祖為急何嘗
不以人宗人祖為殷何嘗不以事功德業為任何嘗不以性命
宗旨為歸此所以為形神俱妙與道合真也此所以為更生永
命也此所以為九天開化也此所以為司祿職貢舉真君也此

所以為儒者之宗師所以為道法之尊重也此所以為天人之
敬仰所以為萬世之羽儀也可為世人言之毋不孝父母不孝
者罰毋不忠君王不忠者誅毋不尊師長不尊者責毋聽信婦
人言語牝雞之晨惟家之索也毋燕溺匪人德行言語可師乃
可交也毋妄造淫詞誘人為惡壞盡天理也毋淫人妻女女子
之身節操為大也毋輕信奴僕造作是非皆此輩也毋縱慾房
闈好色者伐性之本也毋貪于酒食嗜啜者肉食可鄙也毋鞭
扑吏民王政以仁愛為先也毋離間親朋天道以和平為善也
毋違聖訓毋逆師言毋背王章毋干天律不可以吾言為平

無奇而視爲弁髦也。彭子其力行之。彭子其與人共行之。乃我降乩之意也。速速刊刻以粘之。通衢粘之。書室粘之。文昌閣下粘之。各處菴觀粘之。各處廟宇粘之。各處公所。吾將以此更獎吾子之功行也。

帝君又諭曰。吾十七世爲士大夫。未嘗一念驕人。未嘗一念欺人。未嘗一念昧已。未嘗一念縱已。未嘗一念是非顛倒。未嘗一念始終有間。未嘗一念爲善少忽。于細未嘗一念爲惡不禁。于微可以爲親之孝子。可以爲君之忠臣。可以爲家之祖宗。可以爲國之柱石。可以爲士之師表。可以爲民之父母。可以爲百

世之敬仰。可以爲萬法之宗師。可以爲天人之擁戴。可以爲上下之尊崇。可以爲遐邇之法則。可以爲貴賤之憑依。可以爲幽明之均賴。可以爲男女之儀型也。吾言止矣。一而再再而三。第一條者爲功名之指迷也。第二條者爲德行之格言也。第三條者爲成功之效驗也。世人不知者。謂彭定求之代筆也。謂彭瓏之潤色也。謂其矯情于譽。以邀天報也。謂其是已非人。以謗同學也。謂其疑神疑佛。以涉癡迷也。果有如此言者。吾使其貧賤終身。斥其祿秩。削其壽算。禍其子孫。耗其財物。喪其骨肉。加其疾病也。彭子毋恤。人言毋徇俗情。上天賞罰。豈爾士人所能主。

幸者乎。又論曰：世人紛紛謂吾子妄信鬼神，不知禮義。吾心甚恨。吾心甚恨。吾心正恨。恨故將此三條現身開示。總之皇天自有公道，何怕外人謗論。徒使彼益增罪業耳。可憐哉。若人可憐哉。若人吾痛恨之餘，又爲之哀憫矣。可速利之。時康熙十三年八月二十四日，竈神上奏功過之日，也可不戒哉。可不以哉。疑社先生素無符咒召仙之術，因其素行，食乎神明，故于中秋夜虔禮天尊之時，偶設一乩，遂蒙降鑒，實異緣也。敢告同志，仰體聖心，實踐躬行，則所求皆遂矣。胡不勉而行之。

梓潼帝君救劫寶章

真君曰：吾道德圓通，久證真位。茲以劫運可念，遂願救度眾生。壬申歲七月七日，時西晉懷帝永嘉六年，琅輿羽軒麟車鳳駕，玉童玉女神將，天兵樂隊，旌旗百萬，引從侍衛，森列樂音，震天蒙。

天帝令爲太元無上上德真君，同中書門下平章事。上主三十三天仙籍，中主人間壽夭禍福，死生貴賤。下主十八重地獄輪迴拜命，訖空中大震七聲，天旋地轉。吾以劍一指，天地停車，日月停軸，頃刻間紫雲上衝，黑氣盤結。有二童子以善惡

善書寶錄
簿進曰寅卯而後劫運可駭承旨預定善惡敢以簿進吾閱
善簿得忠孝功德陰騭修行者若干人閱惡簿得十惡五逆
臣民官吏士農工商僧道雜流爲惡若干人吾懸劫運之臨
世人造惡無有窮已今遣十惡大魔三百萬飛天神王三百
萬神兵神將一千六百萬以五道雷神主之收取惡人又大
風大雨大水大火大疫並作以收惡人用充劫運罪罰不遠
深可哀憐吾爲度脫眾生私露天機畧具善惡簿中曾有
功過者以爲生人警戒今勸世人每日侵晨持誦救劫章陰
騭文并

太上感應篇一遍以消罪愆持誦者要人以善惡自反知法知戒故能消罪愆非徒口誦之也
先當遵此六章修行庶持念聖號靈篇得以感應如此則
自然福祿無量子孫榮昌金車入門仕宦卿相若不遵此六
章修行徒口誦經欲免罪愆名曰瀆天其罪尤重愈不可解
吾今降下此經流傳於世

七曲帝君亦屢頒降所在以三千神兵衛之其有誦讀此經而
不信受與前信受後有悔心者仰飛天大神即時收取以充
劫數如有秘藏此經而不傳者其罪惟均各宜省悟

天下通行警戒章第一

此章雖通行警戒而士尤四民之首官尤百姓之宗更當敬稟

真君曰。哀哉。今世之人。子不孝於親。弟不敬於兄。下不順於上。婦逆於舅姑。弟子凌師長。士虧實行。官恣貪謀。農趨末作。工競浮華。僧道誑俗。自毀真教。罪罰不遠。深可哀憐。各宜遵吾警戒。勇修行。以逃劫運。

天下通行孝感章第二

真君曰。人之立身。以孝爲本。○東京趙居先。父年九十一歲。母年九十四歲。性皆嚴急。居先夫婦。特奉勤謹。孝行克諧。每夕焚香爲父母祈禱。三尸上奏。天遣飛天大神。逐日監察。見其心專意一。孝行動天。七子三偕。皆列殊科。居先身證仙果。

茂州黎瓊。棄父貪淫酒色。三年淹母殞者。五載被雷焚之。○徽州李氏。女名善瑜。適葉元。贅長子。年三十。自十八侍舅姑。極孝。家貧。已雖饑寒。凡飲食不敢嘗。啖以奉舅姑。舅姑病甚。家貧不能召醫。自爲祈告天地。願以身代舅姑。適遇三官巡察。空中聞之。奏聞。玉帝奉旨。加其舅姑壽一紀。仍賜錢八十萬。注名祿籍。二子賜品官。後一歲。旦門未啟。忽見廳上金玉滿堂。變易果得錢八十萬。其隣居秦氏女。年二十。恃其長舌。抵觸舅姑。李氏嘗勸之而不聽。李氏受錢。曰。秦氏爲雷火焚燒。善惡之報。昭然可畏。

天下通行士行章第三

真君曰。吾一十七世爲士大夫。未嘗虐民酷吏。今人衣冠紛紛。日讀其書。恃其文章而行。已法度。孝行陰功。畧不加意。或兄弟分爭。或宗族相毀。或夫妻反目。或父子憎嫌。或倚恃富勢。而欺凌小民。或矜恃才能。而欺侮前輩。或口頌佛老。而薄于父母。或貌敬天地。而中萌欺詐。或教人爭訟。而破散人家。或巧言妄語。而助人之過。或破人婚姻。或誹謗同類。或播人是非。或埋藏陰毒。此等罪犯。難可解雪。儻或回心。庶幾免咎。衢州范元之。素貧。盛暑江浴。拾得金銀一袋于岸。歸謂其子。

曰。世人以財爲命。萬一此人失此。自經於溝壑。枉喪性命。翼日。父子攜於岸。待之。果見一婦悲號而至。元之詰其故。曰。夫坐獄當死。易田得銀。至此失之。元之卽以還之。婦與分。亦不肯受。旣而鄉里多薄之。謂其不能經營生理。空自守貧。元之笑而不答。次年父子登第。至今十二世爲二千石。瀘州李挺。先才高。自爲第一。以兄弟參商。好毀人婚姻。發人秘密。遂降其籍。信州林茂先。才高過人。已捧鄉書。家極貧。閉戶讀書。鄰家巨富。婦厭其夫不學。私慕茂先才名。夜奔之。茂先呵之曰。男女有別。禮法不容。天地鬼神羅列。森布。何可污我婦。

慚而退。茂先次舉登第二子皆登第。聞者各宜悛改。

天下應世日用章第四

真君曰。凡今之人。毒惡殘忍。巧詐不常。難爲指名。姑示一二。勸戒。杭州王用先。家貲百萬。置大小二斗。大小二秤。較量出入。以欺陷人。比及十年。遭禍被刑。家財破散。子孫作丐。福州福清縣文紹祖。與柴公行議親。既問名。柴女忽中風。紹祖欲更之。其妻大怒曰。我有兒。當令其順天理。自然久長。悖禮傷義。是爲速禍。大斥紹祖。卽娶柴女。歸次年。紹祖子登第。柴女風亦痊。生三子。皆登第。何元溢與趙明夫議姻已定。而

趙女失明。家計寥落。元溢易其親與。單子文爲姻。次年父子俱喪。明趙女適士人葉惟先。惟先登第三典大郡。階州孫仲可。欺奪寡婦之田。繼與通奸。中年育孽。子孫齟齬。建州楊進。多廣田園。百計吞併。交易不明。至少子鍾仲。不肖三年。破敗蕩盡。拘惡簿。元秀家財四十萬。止生四子。其餘諸妾所出。不問男女。並瘞埋之。一日夢中見數十輩來追殺人賊。元秀大驚。起兩手兩足。已爲牛蹄。展轉於床。大叫三日。頭斷而死。陰府申聞天曹。

帝大怒曰。性根不壞。方得人身。天神誦章。始離母腹。愚人不禁。

情慾嬰兒有何罪愆。揆以正條。倍於故殺。殺人償命。理所應然。天曹牒下陰府。判斷元秀受罪。外拘囚地獄。在生四子。注籍刑名四十萬財。沒入官府。近者四方奏牘。類此者眾。下鄴都別置一籍。收錄此等名字。差北方飛天神王。統領神兵。巡行天下。有似此者。卽許便宜施行。不待事終。赴十獄考鞫。真君曰。人子不孝。自有天條誅戮。無罪殺兒。是殺天下人民也。故元秀身墮地獄。四子犯刑。家財沒官。且人厭多兒。何不節慾。乃敢殺人不顧。今世如元秀者。何地無之。我觀鄴都城中。以此受罪者。不可勝數。各宜省悟。不可自取天譴。若元秀永

囚地獄。萬劫受罪。子孫受刑。可不悲夫。禍福無門。惟人所召。

天下通行官守章第五

真君曰。士之居官。以忠爲先。今世大異。上而卿相。下而一命。賄賂公行。公道不立。

皇天震怒。何況侵民膏血。自肥一家。扼民襟喉。自謀進取。不公不法。不仁不義。決一勝於目前。結無窮之冤業。劫數來時。福力盡處。果報昭彰。若速悔心。猶可免戾。故顯官子弟。多不振勢位之家。多破殘。上天之報。昭然人苦不自覺耳。某知遠知嵐谷縣。壽限將終。其春知遠之子。與一巨室同謀。私受財

物妄入人罪。誣以劫掠。其勢炎炎。罪及千家。知遠覺其情。并其子申於朝。力爲明辨。遂免千家之罪。城隍申奏。知遠延壽一紀。一年內妻妾生二子。皆榮顯。然則善簿所記存心。如知遠者。有何人知遠。若私其子以害民。必自受責。其禍當何如。今遣童子三百萬。巡察四方官吏。善惡各行果報。

天下通行道釋章第六

真君曰。僧道出家。名爲離業。垢今世可駭。纔入道場。逆料施利之多少。如減法事。或醉酒飽肉。或畜妻私寮。穢德彰聞。有負上聖救世之心。如此等類。歷劫不赦。通州海門縣景覺之。

有子名佛孫。九歲出家。名祖惠。二十八爲長老。濫稱禪師。而不明本性。罪惡又多。其伯景識之。有女名蓮真。年十八。出適與其夫。失歡。而回故家。僧祖惠出入伯氏。時或遇宿。與蓮真通淫。其伯以一家無間。初不知覺。僅及兩月。司命大怒。徑奏上蒼。適遇雷公。奉命碎祖惠屍首于通衢。拷其魂于酆都地獄。萬劫受罪。不舍晝夜。又以雷火三燒蓮真。三焚之。不令死。大書其背曰。亂倫怪獸。求生不得。求死不得。如是三年。方令入地獄受罪。配入禽獸道。識之。夫妻以閨門不肅。各減壽一紀。惡疾而終。蓮真之姑。中間知覺。私受二百貫。大風剝。

其目截其鼻。旦夕自稱曰：我黨同亂倫怪獸，使我至此。伽藍土地以失申奏，亦拘繫獄府，日受鞭笞，責以重罰。黑氣二十四道，其中一道是僧道淫穢褻瀆上真事，一道是世人殺所生男女冤氣衝天，其他皆罪惡所積。今通都大邑有敗禮之家，或至親或宗黨，既出家者往來私家，男女雜處無間，不知僧道壞俗壞僧道亂上天人倫，背至尊教法，天地震怒，罪入惡籍，悔滅三教。如此等罪，何時可懺耶？今遣飛天大聖統御鬼魔四十萬，以雷公主之巡行四方，日夕申奏。如有亂教法者，仰雷公便宜施行。大道與佛初無算人，而人自負之。

壬申歲，世人以誦經修行証道果，佛果者七千人。蓋自清心寡慾，先修人事，不犯人倫，科戒積德累功，諸惡不作，然後得此。今勸世人若能遵此六章行之，乃可免禍而得福。背吾所言，天條不赦。

君曰：混沌未分，吾統天地人之道。自太極判，吾與大道俱顯。吾上則替天行化，下則濟度萬民。故證斯果，吾統天地人，何神不攝，何事不該，何物不佑，何罪不罰，何所不應，何劫不定。吾哀世人造惡不已，或心生，或口語，或教人，或自作。晝則不足，夜以繼日。今大劫可駭，不生悔心，不覺不知，流浪苦海，生

而害身滅家。死後萬劫受罪。作禽獸身。昏昏默默。永無出期。深可悲哉。每家各宜書寫此經一帙。日夕瞻視。依此六章修行。每日侵晨誦四大天尊聖號。及感應篇。行之二年。萬罪消滅。行之四年。百福皆集。行之七年。子孫賢明。榮登科第。行之十年。壽命延長。行之十五年。萬事如意。行之二十年。子孫爲卿相。行之三十年。注名仙籍。行之五十年。天神恭敬。名列仙班。不依此六章加意修行。或作或輟。今日行明日廢。人事既乖。心田日暗。雖口誦經。而其心不悟。是爲瀆。天罪不容赦。欽哉。一違吾言。斷不容恕。

詩曰

行藏虛實自家知

禍福因由更問誰

善惡到頭終有報

只爭來早與來遲

閒時檢點平生事

靜坐思量日所爲

意馬心猿當繫縛

自然天地不相虧

真君曰爲官清正強修道愛老憐貧勝出家作事莫瞞天地眼
自然心似白蓮花

心不明來點甚燈意不公平看甚經大秤小斗喫甚素不孝
父母齋甚僧妙藥難醫冤業病橫財不富命窮人利已害人
終促壽積善修身蔭子孫人惡人怕天不怕人善人欺天不

欺暗中陰陽分明有遠在兒孫近在身說話莫談他人短自
短何曾說與人生事事生君莫怨害人人害汝休嗔欺心折
盡平生福行短天教一世貧爐中有火休添炭扇遇涼時莫
使風臨危若不行方便念盡彌陀總是空

饒一着添子孫之福壽 退一步寬隙駒之易過
忍一言免駟馬之難追 息一怒養身心之精神

文昌帝君慾海迴狂寶訓

孽海茫茫首惡無非色慾塵寰擾擾易犯惟是邪淫拔山蓋世
之雄坐此亡身喪國繡口錦心之士因茲敗節隳名始爲一念
之差遂至畢生莫贖何乃淫風日熾天理淪亡以當悲當憾之
行反爲得計而眾怒眾賤之事恬不知羞刊淫詞談麗色目注
道左嬌姿腸斷簾中窈窕或貞節或叔德可敬可嘉乃計誘而
使無完行若婢子若僕妾宜憐宜憫竟勢逼而致玷終身既令
親族含羞尤使子孫蒙垢嗟嗟總因心昏氣濁賢遠佞親豈知
天理難容神人震怒或妻女酌償或子孫受報絕嗣之墳無非

好色狂徒。妓女之祖。盡是貪花浪子。當富則玉樓削籍。當貴則金榜除名。笞杖流徒。大辟生遭。五等之誅。地獄餓鬼。畜生沒受。三途之苦。從前恩愛。至此成空。昔日風流。而今安在。與其後悔。以無從。胡弗早思。而勿犯。謹勸青年。烈士。黃卷名流。發覺悟之心。破色魔之障。芙蓉白面。不過帶肉骷髏。美艷紅妝。乃是殺人利刃。縱對如花如玉之貌。常存若姊若妹之心。未犯者宜防失。足曾行者。須蚤回頭。更祈輾轉流通。迭相化導。必使在在齊歸。覺路人人。共出迷津。則大惡既除。眾邪自消。靈臺無滯。世榮垂遠矣。

文昌聖帝垂訓蕉牕十則

- 一戒淫行。未見不可思。當見不可亂。既見不可憶。於處女寡婦尤宜慎。
- 一戒意惡。勿藏險心。勿動妄想。勿記仇不釋。勿見利而起謀。見財而起嫉。
- 一戒口過。勿談閑闊。勿計陰私。勿揚人短。勿設雌黃。勿造歌謠。勿毀聖賢。於尊親死亡尤宜慎。
- 一戒曠功。勿早睡。遲起。勿舍己芸人。勿身在心馳。勿學為無益。勿見異思遷。
- 一戒廢字。勿以書文。裹物糊牆。燒茶拭桌。勿塗抹好書。濫寫門壁。於塗穢中尤宜慎。
- 一敦人倫。父子主恩。以義。君臣主敬。引之以道。兄弟相愛。勉之以正。朋友相信。勸以有成。夫婦相和。敬而有別。
- 一淨心地。玩古訓。以懲心。多靜坐。以收心。寡酒色。以清心。去私慾。以養心。悟至理。以明心。
- 一立人品。敏事慎言。志高身下。膽大心小。棄邪從正。思君子之九思。畏聖人之三畏。尤當不恤人言。

一慎交遊

終始不怠內外如一貴賤不二死生不異尤當功過相規親近中正

一廣教化

遇上等人說性理遇下等人說因果多刻善書多講善行尤當化邪歸正以衛吾道

附靈應事實

宋眉山蘇公仲奉陰隲文行善蜀地飢荒捐腴產三千畝濟活窮人無算乃生子洵一日洵遊玉局觀得張仙像每日虔禱四年生子軾又二年生轍仙即帝君也帝君本應張宿故化生多姓張云○明王文恪公鏊申文定公時行虔奉帝訓身體力行文恪中會元帝君現于闈中文定中狀元靈芝生于凡上一公文章相業卓越千古子孫科第不絕○顧侍御夢鯉

號禹門為諸生時虔事文昌力行寶訓一夕夢帝君曰子名在一六題乃儀封人請見覺而不解其義萬曆甲戌科闈中卷與孫月峰並擬元填榜時始置第六謁選得河南儀封縣循績報最擢御史○明商文毅公三元宰相也父乃府吏潘恭定公父為縣吏二公之父一生惟以救難為心活人無算一夜夢見帝君云汝善事多有此子報之○彭訪濂諱定求康熙壬子領鄉薦甲寅中秋帝君降乩有訓文三篇做世諄諄懇切訪濂虔刻印施夙夜敬事丙辰會狀聯元○宛平謝紹銓年四十三歲乏嗣順治己亥冬發心刊施陰隲文萬張先年妻患

弱病屢孕不育。至是病痊與妾各生一子。生子後復又刻施紙多破損。不及揀去。一友往平谷縣作幕。付文二百張。到縣普勸。是夜夢持文至平谷幕見。帝君從幕出問持何物呈陰隲文。帝君揀出破損者謝遂驚醒。國學錄錢桂徵患火症。每作字數行頭目俱疼。不勝其苦。立願手書陰隲文三百張。方舉筆而病不復作矣。○兵部主事馮標于康熙二年五月內傷寒病危。諸醫束手。姪宏道泣禱。帝君願施陰隲文萬張。是夜夢。帝君撫其背而言曰。汝病即愈。汝前程尚遠。即諭青衣使卒數起。令回勿爲病祟。醒來病日輕。可半月全愈。○吳江金楚谷有幼

子患痧疹勢危。諸醫束手。因發願印施陰隲文以丐一命。疏方焚即不藥而愈。○楊州劉君庵居都門吏部從事。其母病昏迷。不知人事。君庵於家庭中虔設壇台。五鼓時登台望。帝君前祈禱立願刊施陰隲文二萬張。少頃母即甦醒云。我已被人喚去。同披髮垢面百餘人。行忽一老人至。持命我回家。似夢初覺。病遂愈。○山陰俞允在京抱病熱極昏迷。不省人事。其親金伯益詣。帝君前虔祝云。俞允病痊即刊印陰隲文。是夜允夢。帝君端坐一藍衣朝服。老人執籍稟云。俞允病危。求救如何。發落。○帝君許增壽一紀。醒即病減。數日而愈。○吳瞿柯炳字以

傳素奉 帝君曾刻報應錄勸世康熙甲寅十一月初八夜間
與張疑元弟兄父子暨李謙朱寧約同一舟在江橋鎮舟忽覆
焮坐艙中不覺身出艙外窗柱篷板等物俱散去無礙時夜黑
水深焮立水中不沒卽傍他舟而起疑元諸人俱無恙次日有
門人滕新云曾夢見 帝君語以焮等數人水厄早已知之預
爲救護靈應如此○吳江王載字咸平康熙丙辰八月長男孫
晃忽遭危疾醫治無門憶前刊布陰陽文伏 帝力得起者歷
有奇驗遂發心虔禱願刊施三千張以丐一命歸而昏眩立止
不日卽愈

梓潼帝君勸孝文

帝君垂訓曰今日是元旦爲人間第一日吾當說人間第一事
何謂第一事孝者百行之原精而極之可以參贊化育故謂
之第一事赤子離了母胎在孩抱便知得故謂之第一事舍
此一事並無學問舍此一事並無功業舍此而立言則爲無
本之言舍此而能功蓋天下到底不從性分中流出必作僞
以欺國負本以滅身天地是孝德結成日月是孝光發亮孝
之道言不可得而盡也爲人子者事富貴之父母易事貧賤
之父母難事康健之父母易事衰老之父母難事具慶之父

善書寶鑑 貞 卷之三
母易事寡獨之父母難夫富貴之父母出入有人扶持居止
有人陪從其願常給其心常懼貧賤之父母捨却白髮夫妻
誰爲言笑離了青年子媳莫與追隨人子一日在外父母一
日孤洒爲人子者善體其情能頃刻離左右也乎康健之父
母行動可以自如取攜可以自便朝作暮息可以任意訪親
問舊可以娛情衰老之父母兒子便是手足不在面前手足
欲舉而不能媳婦便是腹心不在膝下腹心有求而不遂時
而欣欣於內忽而戚戚於懷爲人子者善體其情能頃刻離
左右也乎具慶之父母日間有以作伴夜間有以相溫晝無
所事相與說短論長夜不成眠互爲知寒道冷寡獨之父母
兒女雖有團圓之樂夫妻已成離別之悲家庭之內獨行踽
踽涼涼形影之間惟有悽悽楚楚爲人子者善體其情能頃
刻離左右也乎嗚呼試問身從何來親爲生我之本孝爲何
事人所自有之心見我此章而不動心者非人也見我此章
而不墮淚者非人也逆子忤媳見我此章而不化爲孝子順
嬖者與禽獸何異人人得而誅之者也

關聖帝君覺世真經

人生在世。貴盡忠孝節義等事。方於人道無愧。可立於身天地之間。若不盡忠孝節義等事。身雖在世。其心已死。是謂偷生。凡人心。卽神。神卽心。無愧心。無愧神。若是欺心。便是欺神。故君子三畏。四知。以慎其獨。勿謂閻室可欺。屋漏可愧。一動一靜。天鑒在茲。十目十手。理所必至。况報應昭昭。不爽毫髮。淫爲諸惡。首孝爲百行原。但有逆理於心。有愧者。勿謂有利而行之。凡有合理於心。無愧者。勿謂無利而不行。若負吾教。請試吾刀。敬天地。禮神明。奉祖先。孝雙親。守王法。重師尊。愛兄弟。信友朋。睦宗族。

和鄉鄰。別夫婦。教子孫。時行方便。廣積陰功。救難濟急。恤孤憐
貧。創修廟宇。印造經文。捨藥施茶。戒殺放生。造橋修路。矜寡援
困。重粟惜福。排難解紛。捐貲成美。垂訓教人。冤讐解釋。斗秤公
平。親近有德。遠避凶人。隱惡揚善。利物救民。回心向道。改過自
新。滿腔仁慈。惡念不存。一切善事。信心奉行。人雖不見。神已早
聞。加福增壽。添子益孫。災消病滅。禍患不侵。人物咸寧。吉星照
臨。若存惡心。不行善事。淫人妻女。破人婚姻。壞人名節。妒人技
能。謀人財產。唆人爭訟。損人利己。肥家潤身。咒天怨地。罵雨訶
風。謗聖毀賢。滅像欺神。宰殺牛犬。穢溺字紙。恃勢辱善。倚富壓

貧。變骨肉。間人兄弟。不信正道。好道邪淫。好尚奢詐。不重儉勤。
輕棄五穀。不報有恩。瞞心昧己。大斗小稱。假立邪教。引誘愚人。
詭說昇天。斂物行淫。明瞞暗騙。橫言曲語。白口咒詛。背地謀害。
不存天理。不順人心。不信報應。引人作惡。不修片善。行諸惡事。
官詞口舌。水火盜賊。惡毒瘟疫。生敗產蠹。殺身亡家。男盜女淫。
近報在身。遠報子孫。神明鑒察。毫髮不吝。善惡兩途。禍福攸分。
行善福報。作惡禍臨。我作斯語。願人奉行。言雖淺近。大益身心。
戲侮吾言。斬首分形。有能持誦。凶消聚慶。求子得子。求壽得壽。
富貴功名。皆能有成。凡有所祈。如意而獲。萬禍雪消。千祥雲集。

諸如此福。惟善可致。吾本無私。惟佑善人。眾音奉行。毋怠厥志。
關聖大帝覺世經終

三界伏魔關聖帝君神威遠震天尊。三稱三拜

勸孝歌

孝為百行首。詩書不勝錄。富貴與貧賤。俱可追芳躅。若不盡孝道。何以分人畜。我今述俚言。為汝效忠告。百骸未成人。十月懷母腹。渴飲母之血。飢食母之肉。兒身將欲生。母身如在獄。父為母含悲。妻對夫啼哭。惟恐生產時。身為鬼眷屬。一旦見兒面。母命喜再續。自是慈母心。日夜勤撫鞠。母臥濕簾薦。兒眠乾被褥。兒睡正安穩。母不敢伸縮。兒穢不嫌臭。兒病甘身贖。橫簪與倒冠。不暇思沐浴。兒若能步履。舉足慮顛覆。兒若能飲食。省口資所欲。乳哺經三年。血汗幾百斛。劬勞辛苦盡。年將十五六。氣性

漸剛強行止難拘束衣食父經營禮義父教育端望子成人延
師課誦讀慧敏恐疲勞愚怠憂碌碌有過常掩護有善先表暴
子出未歸來倚門繼以燭兒行十里程親心千里逐兒長欲成
婚爲訪聞中淑媒如費金錢釵釧捐布粟一日媳入門孝思遂
衰薄父母面如土妻子顏如玉親責反睜眸妻詈不爲辱母披
舊衣衫妻著新羅縠父母或顰寡爲兒守孤獨父慮後母虐鸞
膠不敢續母慮孤兒若孀幃忍寂寞身長不知恩糕餌先兒屬
健不祝餽病不知伸縮衣服或單寒衾枕失溫煥風燭忽垂
危兄弟分財穀不思創業艱惟道遺資薄忘却本與源不念風

與木蒸嘗亦虛文宅兆何時卜人不孝其親不如禽與畜慈鳥
尙反哺羔羊猶跪足人不孝其親不如草與木孝竹體寒暑慈
枝顧本末勸爾爲人子經書勤誦讀王祥卧寒水孟宗哭枯竹
蔡順拾桑黜賊爲奉母粟楊香拯父危虎不敢肆毒伯俞常泣
杖仲平身自鸞郭巨埋生兒丁蘭悲刻木如何今世人不效古
風俗何不思此身形體誰養育何不思此身德性誰式穀何不
思此身家業誰給足父母卽天地罔極難報復親恩說不盡畧
舉粗與俗聞歌憬然悟省得悲莪蓼勿以不孝首在戴人間屋
勿以不孝身在著人間服勿以不孝口在食天五穀天地雖廣

大不容忤逆族及早悔前非莫待天誅戮

八反歌

幼○兒○或○詈○我○我○心○覺○喜○歡○父○母○嗔○怒○我○我○心○反○不○甘○一○喜○歡○一○
不○甘○待○兒○待○父○何○心○懸○勸○君○今○日○逢○親○怒○也○將○親○作○幼○兒○看○
兒○曹○出○干○言○君○聽○常○不○厭○父○母○一○開○口○便○道○閑○多○管○非○閑○管○親○
掛○牽○皓○首○白○頭○多○諳○練○勸○君○敬○奉○老○人○言○莫○教○乳○口○爭○長○短○
幼○兒○尿○糞○穢○君○心○無○厭○忌○老○親○涕○唾○零○反○有○憎○嫌○意○六○尺○軀○來○
何○處○父○精○母○血○成○汝○體○勸○君○敬○待○老○來○人○壯○時○為○爾○爲○骨○傲○
看○君○晨○入○市○買○餅○又○買○糕○少○聞○供○父○母○多○說○哄○兒○曹○親○未○饜○兒○

先○飽○子○心○不○比○親○心○好○勸○君○多○出○糕○餅○錢○供○養○白○頭○光○陰○少○
市○間○賣○藥○肆○惟○有○肥○兒○丸○未○有○壯○親○者○何○故○兩○般○看○兒○亦○病○親○
亦○病○醫○兒○不○比○醫○親○症○割○股○還○是○親○之○肉○勸○君○亟○保○雙○親○命○
富○貴○養○親○易○親○常○有○未○安○貧○賤○養○兒○難○兒○不○受○飢○寒○一○條○心○兩○
條○路○爲○兒○終○不○如○爲○父○勸○君○養○親○如○養○兒○凡○事○莫○推○家○不○富○
養○親○止○二○人○常○與○兄○弟○爭○養○兒○雖○十○餘○君○皆○獨○自○任○兒○飽○暖○親○
常○問○父○母○飢○寒○不○在○心○勸○君○養○親○須○竭○力○當○初○衣○食○被○君○侵○
親○有○十○分○慈○君○不○念○其○恩○兒○有○一○分○孝○君○就○揚○其○名○待○親○暗○待○
兒○明○誰○識○高○堂○養○子○心○勸○君○漫○信○兒○曹○孝○兒○曹○樣○子○在○君○身○

仁人孝子天性自然不待學而能不待勸而善所以生為聖賢終作仙佛君子曰終小人曰死東鄉司命曰忠臣孝子今日謝世明日就補仙階此歌為世之不孝其親溺愛其子者作晨鐘暮鼓苟有人心不甘自墮者當猛然自省中庸曰或安而行之或利而行之或勉強而行之及其成功一也

太上曰其有曾行惡事後自改悔久久必獲吉慶所謂轉禍為福也

圓明斗母天尊勸世文

世人拜斗拜天上之斗耶拜心上之斗耶天上之斗拜猶不拜也心上之斗不拜而拜也何謂心上之斗一曰孝養父母二曰尊事君主三曰敬奉師長四曰與人為善不恃己能不言人過五曰立心和柔無恃性氣自行訶謔六曰無聽婦言蠱惑丈夫最為惡毒七曰無違聖教詩書禮樂日用常行八曰無徇名譽求朋結社招攬是非風俗浮夸人心喪失皆由此也九曰無貪財帛衣食有限富厚何益于身也十曰無縱奴僕居官作惡皆此輩鼠竊狗偷令我名節掃地也十一曰無淫於色慾好戰者

必亡也。十二曰：毋貪于酒肉穢惡之氣，腐腸喪胃也。十三曰：無
謗毀僧道三教宗旨，何嘗不一而足？此非彼也。十四曰：毋輕
求功名，功名者上天所以勸人也。十五曰：毋妄希子嗣，子嗣者
上天所以報我德也。十六曰：毋徒延已壽，已壽者父母之所從
昇也。十七曰：毋遽信讒言，小人反覆不常，無非離間也。十八曰：
毋淫人子女，人之子女猶我之子女也。十九曰：毋輕棄字紙，字
紙聖賢之跡也。二十曰：毋徒溺于本生父母而不思承繼之父
母也。二十一曰：毋取人不義之財，財者喪身之本，積怨之階也。
二十二曰：毋救于吏胥吏胥者，喪盡良心之人，無非敗爾公事。

也。二十三曰：毋往來匪人，匪人奸計百出也。二十四曰：毋設心
謀害心，一動則事未成而報已至矣。二十五曰：毋詔事鬼神，鬼
神宜敬而遠之也。二十六曰：毋禱祀妖邪，妖邪不能自保其身，
何能為人禍福也。二十七曰：者斗齋之期也，卽心齋之期也。二
十七條者心齋之事也，卽斗齋之事也。如此方可謂之拜斗母
也。如此方可謂之拜南斗六司星君也。如此方可謂之拜北斗
解厄星君也。如此方可謂之拜明道母天尊也。如此方可謂之拜天
竺國大智光中也。如此方可謂之大士尋聲來救苦也。否則拜吾
之像，呼吾之名稱，吾之號，我方惡之厭之，而何能祐之救之也。

斗母
三

吾方恨之笑之而何能應之通之也吾可謂世之拜斗者盡心竭力于此言矣彭定求真拜斗者也拜時拜不拜時亦拜天上者也有斗心上亦有斗也吾故降乩其家而書此以普勸世之拜斗者也

又曰拜斗宜拜父母也拜斗宜拜師長也拜斗宜拜吾心也不如此拜斗而乃日日拜吾像何爲也可惜有志學道人忘却本來面目徒作道士伎倆何爲也又曰世人拜斗不可但爲已延生也不可但爲已集福也不可但爲已求嗣也天人感應只在爲人不爲已之心耳吾斗科中俗本增入許多祈福語氣俗事

俗念我甚厭聽天覆地載日照月臨非有所私于一人豈以其誚事我也而遂加之福乎可與世人再四言之爲愚夫愚婦點破痴迷妄想也至于三教宗旨原無二也原無少異也原無一間未達也原無形迹不化也勿聽世人販釋謗道販道謗釋也
甲寅八月二十五日降乩書

雷府辛君垂訓

盛哉道法行於世。率土蒼生多敬事。欲選功高德重人。千百萬
中無一二。奉道人非容易。神鬼見之自迴避。積功三載始成名。
姓字一時消滅罪。忍忍債主冤家從此盡。休休蓋世功名
不自由。忠君王孝父母敬尊長。奉有德別賢愚。恕無識時未來
兮。勿望事已往兮。勿思物欲來兮。勿拒物既去兮。勿追聰明多
暗昧。解算失便宜。損人終自損。倚勢禍相隨。戒之在心守之在
志。爲不節而忘家。因不廉而失位。勸君自守樂平生。可懼可驚
而可畏。上臨之以天鑒。下察之以地祇。明有刑法相繫。暗有鬼

神相隨出處語默天地皆知惟正可守心不可欺日中則昃月盈則虧天之道也樂極則悲勢極則衰人之常也狂風不終朝驟雨不終日天地尚如此何況於人乎有福莫享盡享盡見貧窮有勢莫使盡使盡冤相逢福宜常自惜勢宜常自恭人間勢與福有始多無終性命猶如風燭常思身後之身形軀暫寄塵寰休造業中之業善惡皆存靈府昭然不昧毫釐業如身在日中行止何能逃影世有不平之事天無不報之冤人能巧於機關天能速於報應諸惡莫作眾善奉行

俞淨意先生遇竈神記

明嘉靖時江西俞公諱都字良臣多才博學十八歲爲諸生試輒高等年及壯家貧授徒與同庠生十餘人結

文昌社惜字放生戒淫殺口過行之有年前後應試七科皆不中。生五子四子病夭其第三子甚聰秀左足底有雙痣夫婦寶之八歲戲於里中遂失去不知所之生四女僅存其一妻以多哭兒女故兩目皆盲公潦倒終年貧窘益甚自反無大過慘膺天罰年四十外每歲臘月終自寫黃疏禱於竈神求其上達如是數年亦無報應至四十七歲時除夕夜與瞽妻一女共坐舉

室蕭然淒涼相弔忽聞扣門聲公秉燭視之見一角巾阜服之士鬚髮半蒼長揖就座口稱姓張自遠路而歸聞君舉家愁歎特來相慰公心異其人執禮甚恭因言生平讀書積行至今功名不遂妻子不全衣食不繼且以歷焚竈疏爲張誦之張曰予知君家事久矣君意惡太重專務虛名滿紙怨尤竇陳上帝恐受罰不止此也公大驚曰予聞冥冥之中織善必錄余與同社諸生誓行善事恪奉規條久矣豈盡屬虛名乎張曰卽如君規條中惜字一款君之生徒與知交輩多用書文舊冊糊房裏物甚至以之拭桌且藉口曰旋汚而旋焚之君日日親見

畧不戒諭一語但遇途間字紙拾歸付火有何益哉社中每月放生君隨班奔逐因人成事倘諸人不舉君亦浮沉而已慈悲之念並未動於中也且君家蝦蟹之類亦登於庖彼獨非生命耶若口過一節君語言敏妙談者常傾倒於君君彼時出口心亦自知傷厚但朋談圓熟中隨風訕笑不能禁止舌鋒所及怒觸鬼神陰惡之註不知凡幾乃猶以簡厚自居吾詐欺欺天平邪淫雖無實跡君見人家美女必熟視之心卽搖搖不能遣但恨無邪緣相湊耳君自反身當其境能如魯男子乎遂謂終身無邪色可對天地鬼神真妄也此君之條規誓行者尙如此何

善書寶鑑 貞 三
况其餘君連歲所焚之疏悉陳於天。上帝命日遊使者察君善惡。數年無一實善可紀。但於私居獨處中見君之貪念淫念。妒嫉念。褊急念。高念。卑人念。憶往期來念。心仇報復念。憧憧於中。不可紀極。此謂種種惡意。固結於中。神註已多。天罰日甚。君逃禍不暇。何由祈福哉。公驚愕惶悚。伏地流涕曰。君既通幽事。定係尊神。願垂救度。張曰。君讀書明理。亦知慕善爲樂。當其聞一善言時。不勝激勸。見一善事時。不勝鼓舞。但旋過旋忘。信根原自不深。恒性是以不固。故生平善言善行。都是敷衍浮沉。何常有一事著實。且滿腔惡意。起伏纏綿。猶欲責天美報。如種遍

地荆棘。癡癡然望收嘉禾。豈不謬哉。君從今後。凡有貪淫客氣。妄想諸雜念。先具猛力。一切屏除。收拾乾淨。一個念頭。只理會善一邊去。若有力量能行的。不圖報。不務名。不論大小。難易。實落落耐心去行。若力量不能行的。亦要勤勤懇懇。使此善意圓滿。第一要忍耐心。第二要永遠心。切不可自墮。切不可自欺。久久行之。自有不測效驗。君家事我甚見虔誠。特以此意報之。速速勉持。可回天意。言畢。卽進公內室。公急起隨之。至竈下。忽不見。方悟爲司命之神。因焚香叩謝。卽於次日元旦拜禱天地。誓改前非。實行善事。自別其號曰淨意道人。誌除諸妄也。初行

之日雜念紛乘非疑則情忽忽日時依舊沈浮因於家堂所供
觀音大士前叩頭流血敬發誓願善念真純善力精進倘有絲
粟自寬永墮地獄每日清晨虔誦大慈大悲寶號一百聲以祈
陰相從此一言一動一念一時皆如鬼神在旁不敢欺肆凡一
切有濟於人有利於物者不論事之巨細身之忙閒人之知不
知力之繼不繼皆歡喜行持委曲成就而後止隨緣方便廣積
陰功而且以敦倫勤學守謙忍辱與夫陰果報應之言逢人化
導惟日不足每月晦日卽計一月所行所言者就竈神處爲疏
以告之持之旣熟動則萬善相隨靜則一念不起如是三年五

十歲乃萬曆登極之二年甲戌會試天下張江陵爲首輔撤閣
後訪於同鄉爲子擇師人交口薦公遂聘赴京師公挈眷以行
張敬公德品爲援列入國學萬曆四年丙子附京鄉試遂登科
次年中進士一日偶謁內宮監楊公楊令五子出拜皆其覓諸
四方爲己嗣以娛老者內一子年十六公若熟其貌問其籍曰
江右人少時悞入糧船猶依稀記姓氏問里公甚訝之命脫左
足雙痣宛然公大呼曰是吾兒也楊亦驚愕卽送其子隨公還
寓公奔告夫人夫人撫子大慟血淚迸流子亦啼捧母之面而
舐其目其母雙目復明公悲喜交集遂不願爲官辭江陵回籍

張高其義厚贈而還公居鄉為善益力其子娶妻連生七子皆
育悉嗣書香焉公手書遇竈神并實行改過事以訓子孫身享
康壽八十八歲人皆以為實行善事回天之報

袁了凡先生四訓

立命之學

余童年喪父老母命棄舉業學醫可以養生可以濟人且習一
藝以成名爾父夙心也後予在慈雲寺遇一老者修髯偉貌飄
飄若仙予敬而禮之語予曰子仕路中人也明年即進學矣何
不讀書予告以故曰吾姓孔雲南人也得邵子皇極正傳數該
傳汝故萬里相尋有何處可棲止乎予引之歸家告母母曰善
待之試其數悉驗予遂起讀書之念孔為予起數縣考童生當
十四名府考七十一名提學考第九名明年赴考三處名數皆

合復為予卜終身休咎言某年考第幾名某年當補廩某年當
 貢貢後某年當選四川一大尹在任二年半即宜告歸五十三
 歲八月十四日丑時當終於正寢惜無子余備錄而謹識之自
 此以後凡遇考校其名次先後皆不出孔公所懸定者獨算予
 食廩米九十一石五斗當出貢及食米七十餘石屠宗師即批
 准補貢予竊疑之後果為署印楊公所駁直至丁卯年殷秋溟
 宗師見予塲中備卷歎曰五策即五篇奏議也豈可使博洽淹
 貫之儒老於窗下乎遂依縣申文准貢連前食米計之適九十
 一石五斗也予因此益信進退有命遲速有時澹然無求矣貢

入燕都留京一年終日靜坐已已歸遊南雍未入監先訪雲谷
 禪師於棲霞山中對坐一室凡三晝夜不瞑目雲谷問曰凡人
 所以不得作聖者只為妄念相纏耳汝坐三日不見起一妄念
 予曰吾為孔先生算定榮辱死生皆有定數即要妄想亦無可
 妄想雲谷笑曰我待汝為豪傑原來是箇凡夫予問其故曰人
 生安得無數但惟凡人有數極善之人數固拘他不定極惡之
 人行善法明矣數亦拘他不定汝二十年來被他算定不會動轉一毫豈不
 是凡夫予問曰然則數可逃乎曰命自我作福自己求詩書所
 稱的為明訓我教典中說求功名得功名求富貴得富貴求男

女得男女。求長壽得長壽。夫妄語。乃釋迦大戒。諸佛菩薩。豈誑語。欺人。予進曰。孟子言。求則得之。求在我者也。道德仁義。可以力求。功名富貴。如何求得。雲谷曰。孟子之言。不錯。汝自錯解了。汝不見六祖說。一切福田。不離方寸。從心而覓。感無不通。求在我。不獨得道德仁義。亦得功名富貴。內外兩得。是求有益於得者也。若不反躬內省。而徒向外馳求。則求之有道矣。得之有命矣。內外兩失。故無益。孔公算汝終身。若何。予以實告。雲谷曰。汝自揣應得科第否。應生子否。予追省良久曰。不應也。凡科第中人。類有福相。予福薄。又不能積功累行。以基厚福。兼不耐煩劇。

不能容人。時或才智。陵人直心直行。輕言妄談。凡此皆薄福之相也。豈宜科第哉。地之穢者。多生物。水之清者。常無魚。予好潔。宜無子者一。和氣能育萬物。予善怒。宜無子者二。愛為生生之本。忍為不育之根。予矜惜名節。常不能舍己救人。宜無子者三。多言耗氣。宜無子者四。善飲樂精。宜無子者五。好徹夜長坐。而不知葆元毓神。宜無子者六。其餘過惡尚多。不能悉數。雲谷曰。豈惟科第哉。世間享千金之產者。定是千金人物。享百金之產者。定是百金人物。應餓死者。定是餓死人物。天不過因材而篤。幾曾加纖毫意思。卽如生子有百世之德者。定有百世子孫保。

之有十世之德者定有十世子孫保之有三世二世之德者定
 有三世二世子孫保之其斬焉無後者德至薄也汝既知非將
 向來不登科第及不生子之相盡情改刷務要積德務要包荒
 務要和愛務要惜精養神兩語抵八萬千從前種種譬如昨日死從後種種譬
 如今日生此義理再生之身也夫血肉之身尚然有數義理之
 身豈不能格天太甲曰天作孽猶可違自作孽不可活孔先生
 算汝不登科第不生子者此天作之孽也猶可得而違也汝今
 充廣德性力行善事多積陰德此自己所作之福也安得而不
 受享乎易為君子謀趨吉避凶若言天命有常吉何可趨凶何

可避惟易經之開章第一義便說積善之家必有餘慶積不善
 之家必有餘殃汝信得及否予偉其言拜而受教因將往日之
 罪佛前盡情發露為疏一通先求登科誓行善事三千條以報
 天地祖宗之德雲谷出功過格示予令所行之事逐日登記善
 則記數惡則退除且教持準提咒以期必驗語予曰符籙家有
 云不會書符被神鬼笑此有秘傳只是不動念也執筆書符先
 把萬緣放下一塵不起從此念頭不動初下一點謂之混沌開
 基由此而一筆揮成更無思慮此符便靈凡祈天立命都要從
 無思無慮處感格孟子論立命之學而先曰夭壽不貳夫天與

壽至二者也。當其不動念時，孰為天，孰為壽，細分之，豐歉不二。然後可以立貧富之命，窮通不二。然後可以立貴賤之命，天壽不二。然後可以立生死之命，人生世間，惟死生為重。曰：天壽則一切順逆皆該之矣。至修身以俟之，乃積德祈天之事。曰：修則身有過惡，皆當治而去之。曰：俟則一毫覬覦，一毫將迎，皆當斬絕之矣。到此地位，纖塵不動，求即無求，不離有欲之中，直造先天之境。即此便是實學。汝未能無心，但持準提咒，無記無數，不令間斷，持得純熟於持中，不持於不持中，持到得念頭不動，則靈驗矣。予初號學海，取百川學海而至於海之義，是日改號了。

凡蓋悟立命之說而欲不落凡夫窠臼也。從此而後終日兢兢。

便覺與前不同。前日只是悠悠放任，到此自有戰兢惕勵景象。

在暗室屋漏之中，常恐得罪天地鬼神，遇人憎我，我自能恬。

然。客受到明年庚午刑部考科舉，孔先生算該第三，忽考第一。

其言不驗，而秋闈中式矣。然行義未純，檢身多誤，或見善而行。

之不勇，或救人而心常自疑，或身勉為善，而口有過言，或醒時。

操持而醉後放逸，以過折功，日常虛度。自己已歲發願，直至己。

卯歲，歷十餘年，而三千善行始完。遂起求子念頭，亦許行三千。

善事。辛巳生汝濂。

原名天啟，後中
天啟乙丑進士。

予行一事，隨以筆記。汝母不。

能書每行一事輒用鷲毛管印一硃圈於歷日之上或施食貧人或買放魚鰕一日有多至十餘圈者至癸未八月三千之數已滿就家回向訖復起求中進士念頭許行善事一萬條及丙戌登第授寶坻知縣予在任置空格一冊名治心篇晨起坐堂置案桌上所行善惡纖悉畢記夜則設桌於庭效趙閱道焚香告帝汝母見善事不多輒輦燈曰我前在家相助為善故三千之數得完今許一萬街中無善可行何時得滿忽夜夢見一神人予告以善事難完之苦神曰只減糧一節萬行俱完矣蓋寶山○空○手○而○回坻之田每畝二分三釐七毫予為區處減至一分四釐六毫委

有此事心頗疑惑適幻余禪師自五臺來予以夢告之且問此事宜信否禪師曰善心真切即一行可當萬善况合縣減糧萬民受福乎予遂捐俸就五臺回向之孔先生算予五十三歲有厄予未嘗祈禱是歲竟無恙今六十八歲矣書言天難誣命靡常又言惟命不于常皆非誑語吾於是而知凡稱禍福無不自已求之者乃聖賢之言若謂禍福惟天所命則世俗之論矣爾之命未知若何即命當榮顯常作落窶想即命當順利常作拂逆想即現頗定食常作貧窶想即人相愛敬常作恐懼想即家世望重常作卑下想即學問頗優常作淺陋想遠思揚祖之德

近思善父之愆。上思報國之恩。下思造定之福。外思濟人之急。內思閑己之邪。務要日日知非。日日改過。凡一日不知非。即一日安於自是。一日無過。可改。即一日無步。可進。天下聰明俊秀。不少。所以德不加修。業不加廣者。只爲因循二字。便耽閣一生。○直爲○世○人○痛○下○一○棒○雲谷禪師所授立命之說。乃至精至邃。至真至正之理。其熟玩而勉行之。毋自曠也。

積善之方

易曰。積善之家。必有餘慶。昔顏氏將以女妻叔梁紇。而歷叙其祖積德之長。逆知其子孫必有興者。豈漫說哉。孔子稱舜之大孝。而曰宗廟饗之。子孫保之。論至精矣。善有真有假。有端有曲。有陰有陽。有是有非。有偏有正。有半有滿。有大有小。有難有易。皆當深辨。爲善而不窮理。則自謂行善。豈知造業枉費苦心。招殃愈烈。可懼也。何謂真假。昔有儒生數輩。謁中峰和尚。問曰。佛氏論善惡報應。如影隨形。今某人善而子孫不興。某人惡而家門隆盛。佛說無稽矣。中峰云。凡情未滌。正眼未開。認善爲惡。指惡爲善。往往有之。不憾己之是非顛倒。而反怨天之報應有差乎。眾云。善惡何至相反。中峰令試言其狀。一人謂詈人。毆人是惡。敬人禮人是善。中峰云。未必然也。一人謂貪財。妄取是惡。廉

潔有守是善中峰云未必然也。眾人屢言其狀中峰皆謂不然。因請問中峰告之曰有益於人是善有益於己是惡有益於人則鄙人鄙人皆善也有益於己則敬人禮人皆惡也是故人之行善利人者公公則爲真利己者私私則爲假又根心者真龔迹者假又無爲而爲者真有爲而爲者假皆當自考何謂端曲今人見謹愿之士類稱爲善而取之其次則取自守廉潔者至於言高而行不逮者則以爲惡而棄之人情大抵然也然自聖人觀之則狂者行不掩言最所深取其次則狷者有所不爲至於謹愿之士雖一鄉皆好之而必以爲德之賊矣是世人之善

惡分明與聖人相反一私纏胸黑白倒置推此一端則種種取舍無有不謬天地鬼神之福善禍淫皆與聖人同是非而不與世俗同取舍凡欲積善決不可徇世人之耳目惟從心源隱微處默默洗滌默默檢點若純是濟世之心則爲端苟有一毫媚世之心卽爲曲純是愛人之心則爲端有一毫憤世之心卽爲曲純是敬人之心則爲端有一毫玩世之心卽爲曲皆當細辨何謂陰陽凡爲善而人知之則爲陽善爲善而人不知則爲陰德陰德天報之陽善享世名名亦福也名者造物所忌世之享盛名而實不副者多有奇禍人之無他腸而橫被惡名者子孫

往往驟發陰陽之際微矣哉。何謂是非魯國之法。魯人有贖人臣妾於諸侯者。皆受金於府。子貢贖人而不受金。孔子聞而惡之。曰：賜失之矣。夫聖人之舉事。可以移風易俗。而教導可施於百姓。非獨適己之行也。今魯國富者寡而貧者衆。受金則爲不廉。何以相贖乎。自今已後。不復贖人於諸侯矣。子路拯人於溺。其人謝之以牛。子路受之。孔子喜。曰：自今魯國多拯人於溺矣。自俗眼觀之。子貢之不受金爲優。子路之能受牛爲劣。孔子則取由而黜賜焉。乃知人之爲善。不論現行。而論流弊。不論一時。而論永久。不論一身。而論天下。現行雖善。而其流足以害人。則

似善而實非也。現行雖不善。而其流足以濟人。則非善而實是也。然此就一節言之耳。他如非義之義。非禮之禮。非信之信。非慈之慈。皆當決擇何謂偏正。昔呂文懿公初辭相位。歸故里海內仰之。如泰山北斗。有一鄉人醉而詈之。呂公不動。謂其僕曰：醉者勿與較也。閉門謝之。逾年。其人犯死刑入獄。呂始悔之曰：便當時稍與計較。送公家責治。可以小懲而大戒。吾當時只欲存心於厚。不謂養成其惡。陷人於有過之地。此以善心而行惡事者也。又有以惡心而行善事者。如某家大富。值歲荒。民窮白晝攫粟於市。告之縣縣不理。窮民愈肆。遂私執而困辱之。衆始

定不然幾亂矣然此公之心本衛家財非以行善也而一方之民獲安其惠溥矣故善者爲正惡者爲偏人皆知之矣其以善心而行惡事者此正中偏也以惡心而行善事者此偏中正也不可不知也何謂半滿易曰善不積不足以成名惡不積不足以滅身書曰商罪貫盈譬如貯物於器勤而積之則滿懈而不積則不滿此一說也昔有某氏女入寺欲施而無財止有錢二文捐而與之主席者親爲懺悔及後入宮富貴攜數千金復入寺施之主僧惟令其走向向而已因問曰吾前施二文錢汝親爲懺悔今施數千金而汝不回向何也曰前者物雖薄而施心

甚真非老僧親懺不足以報德今物雖厚而施心不若前日之切令人代懺足矣此千金爲半而二文爲滿者也鍾離抄丹於呂仙點鐵爲金可以濟世呂問曰終變否曰五百年後當復本質呂曰如此則害五百年後人矣吾不願爲也曰修仙要積三千功行汝此一言三千功行已滿矣此又一說也又爲善而心不著善則隨所成就皆得圓滿心著於善則終身勤勵止於半善而已譬如以財濟人內不見已外不見人中不見所施之物是謂三輪體空是謂一心清淨則斗粟可以種無涯之德一文可以消干劫之罪倘此心未忘雖施黃金萬鎰福不滿也此又

一說也何謂大小明明德於天下爲大明明德於一身爲小昔
衛仲達爲館職被攝至冥司吏呈善惡二錄比至則惡錄盈庭
其善錄僅如筋而已索稱稱之則盈庭者反輕而如筋者反重
仲達因問小軸中所書何事曰朝廷常大興工役修三山石橋
君上疏諫之此疏稿也仲達曰某雖言之朝廷不從於事何益
而能有如是之力官曰朝廷雖不從君之一念已在萬民向使
聽從善力更大矣故志在天下國家則善雖少而大苟在一身
雖多亦小何謂難易先儒謂克己須從難克處克將去夫子告
樊遲爲仁亦曰先難必如江西舒翁捨二年僅得之束脩代償

官銀而全人夫婦與邯鄲張翁捨十年所積之錢代完贖銀而
活人妻子皆所謂難捨處能捨也如鎮江靳翁雖年老無子不
忍以幼女爲妾而還之鄰此難忍處能忍也故天之降福亦厚
凡有財有勢者其作福皆易而不爲是爲自暴貧賤作福皆
難難而能爲斯可貴耳隨緣濟眾其類至繁約言其綱大略有
十竊謂種德之事第一與人爲善第二愛敬存心第三成人之
美第四勸人爲善第五救人危急第六興建大利第七捨財作
福第八護持正法第九敬重尊長第十愛惜物命何謂與人爲
善昔舜在河濱見漁者皆爭取深潭厚澤而老弱則漁於急流

淺灘之中惻然哀之往而漁焉見爭者皆匿其過而不談見有讓者則揄揚而取法之期年皆以深潭厚澤相讓矣其耕稼與陶皆然夫以舜之濬明豈不能出一言教眾人哉乃不言以教而以身轉之此良工苦心也吾輩處末世勿以己之長而蓋人勿以己之善而形人勿以己之多能而困人收斂才智若無若虛見人過失且涵容而掩覆之一則令其可改一則令其有所顧忌而不敢縱見人有微長可取小善可錄翻然舍己而從之且爲艷稱而廣述之凡日用間發一言行一事全不爲自身起念全是爲物立則此大人天下爲公之度也何謂愛敬存心君

子與小人就形迹上觀節義廉潔文章政事善行君子能之小人亦或能之常易相混惟一點存心處則善惡懸絕判然如黑白之相反故孟子曰君子所以異於人者以其存心也君子所存之心曰仁曰禮仁禮又是何物仁者愛人有禮者敬人謂常存愛人敬人之心耳人有親疏有貴賤有智愚賢不肖萬品不齊皆吾同胞皆吾一體孰非當愛當敬者蓋愛敬眾人卽是愛敬聖賢循物無違而能通眾人之志卽是能通聖賢之志何者聖賢之志本欲斯世斯人各得其所吾合愛合敬而安一世之人卽是爲聖賢而安之也况古之聖賢因人物而起慈悲因慈

善書寶鑑 貞
悲而成正。覺大學一明明德於天下。舍天下則吾亦無明明德處矣。何謂成人之美。玉之在石。抵擲則瓦礫。追琢則珪璋。故凡見人行一善事。或其人志可取。而資可進。皆須誘掖而成就之。或爲之獎借。或爲之維持。或爲之白其誣。而分其謗。務使之成立。而後已。大抵人各惡其非類。鄉人之善者少。不善者多。故見一善事。爭非而共毀之。善人在俗。亦難自立。且豪傑錚錚。不甚修形迹。多易指摘。故善事常易敗。而善人常得謗。常不能自完。惟仁人長者。能匡直而輔翼之。在一鄉。可以回一鄉之元氣。在一國。可以培一國之命脈。其功德最大。何謂勸人爲善。生爲人

類。孰無良心。世路役役。最易沒溺。凡與人相處。當方便提撕。開其迷惑。譬猶長夜大夢。而令之一覺。譬猶久陷煩惱。而拔之清涼。爲惠最普。韓愈云。一時勸人以口。百世勸人以書。較之與人爲善。雖有刑迹。然對症發藥。時有奇效。不可廢也。失言失人。當反我智。何謂救人危急。患難顛沛。人所時有。偶一遇之。當如痼癥之在躬。速爲解救。或以一言伸其屈抑。或以多方濟其顛連。崔子曰。惠不在大。赴人之急可也。蓋仁人之言哉。何謂興建大利。小而一鄉之內。大而一邑之中。凡有利益。最宜興建。或開渠道。或築隄防。患或修橋路。以便行旅。或施茶飯。以濟飢渴。

隨緣勸導。協力興修。勿避嫌疑。勿辭勞怨。何謂捨財作福。釋門
萬行。以布施爲先。所謂布施者。只是捨之一字。達者內捨六根。
外捨六塵。一切緣會。一切功德。無不捨者。苟未能然。先從財上
布施。世人以衣食爲命。故財爲最重。我從而捨之。內以破我之
慳。外以濟人之急。始而強勉。終則泰然。最可以蕩滌私情。祛除
執吝。何謂護持正法。法者萬世生靈之眼目也。不有正法。何以
參贊天地。何以財成民物。何以脫塵解縛。何以經世出世。故凡
見聖賢廟貌。經書典籍。皆當敬重而修飾之。至於舉揚正法。上
報天恩。尤宜勉勵。何謂敬重尊上。家之父兄。國之君長。與凡高

德。高位。高職。高者。皆當加意奉侍。在家而奉侍父母。使深愛婉
容。柔聲下氣。習以成性。便是和氣格天之本。出而事君。行一事
毋謂君不知而自恣也。刑一人毋謂君不見而作威也。事君如
天。古人格論此等處。最關陰德。試看忠孝之家。子孫未有不綿
遠而昌盛者。何謂愛惜物命。凡人之所以爲人者。惟此惻隱之
心而已。求仁者求此積德者。積此周禮孟春之月。犧牲毋用牝。
孟子謂君子遠庖厨。所以全吾惻隱之心也。故前輩有四不食
之戒。謂聞殺不食。見殺不食。自養者不食。專爲我殺者不食。夫
見其生不忍見其死。聞其聲不忍食其肉。聞殺見殺。與自養而

殺者苟有仁心。必不忍食。學者未能斷肉。且當從此戒之。漸漸
增進。慈心愈長。防範愈周。不特殺生當戒。蠢動含靈。皆謂物命。
求絲。煮繭。鋤地殺蟲。念衣食之繇來。皆殺彼以自活。至於手所
誤傷。足所誤踐者。不知其幾。皆當委曲防之。古詩云。愛鼠常留
飯。憐蛾不點燈。何其仁厚也。善行無窮。不能殫述。由此十事而
推廣之。則萬德可備矣。

改過之法

春秋諸大夫見人言動。憶而談其過。禍靡不驗者。左國諸紀可
觀也。大都吉凶之兆。萌乎心而動乎四體。其過於厚者。常獲福。

過於薄者。常近禍。俗眼多膜。容謂有未定而不可測者。至誠合
天。福之將至。觀其善而必先知之矣。禍之將至。觀其不善而必
先知之矣。春秋時去。聖人未遠。其言多中宜也。今欲獲福而遠
禍。未論行善。先須改過。但改過者。第一要發恥心。思古之聖賢
與我同為丈夫。彼何以百世可師。我何以一身瓦裂。孰染塵情。
私行不義。謂人不知。傲然無媿。將日淪於禽獸而不自知矣。世
之可羞可愧者。莫大乎此。孟子曰。恥之於人大矣。以其得之則
聖賢失之則禽獸耳。此改過之要機也。第二要發畏心。天地在
上。鬼神難欺。吾雖過在隱微。而天地鬼神實鑒臨之。重則降之。

百殃輕則損其現福。吾何可以不懼。不惟是也。閒居之地。指視昭然。吾雖掩之甚密。文之甚巧。而肺肝畢露。終難自欺。被人覷破。不值一文矣。烏得不凜凜。不惟是也。一息尚存。彌天之惡。猶可悔改。古人有一生作惡。而臨死悔悟。發一善念。遂得善終者。謂一念猛勵。足以滌百年之惡也。譬如千年幽谷。一燈纔照。則千年之暗俱除。故過不論久近。惟以改爲貴。但塵世無常。肉身易殞。一息不屬。欲改無由矣。明則千百年負此惡名。雖有孝子慈孫。不能滌幽。則沉淪獄報。不勝其苦。烏得不畏。第三要發勇心。人不改過。多是因循退縮。吾須奮然振作。如毒蛇嚙。指速與

斬除無絲毫凝滯。此風雷之所以爲益也。具是三心。則有過斯改。如春水遇日。何患不消乎。然人之過。有從事上改者。有從理上改者。有從心上改者。工夫不同。效驗亦異。如前日殺生。今戒不殺。前日怒詈。今戒不怒。此就其事而改之者也。強制於外。其難百倍。且病根終在。東滅西生。非究竟廓然之道也。善改過者。未禁其事先明其理。如過在殺生。卽思曰。上帝好生物。皆戀命。殺彼養已。豈能自安。且彼之殺也。旣受屠割。復入鼎鑊。種種痛苦。徹入骨髓。已之養也。珍膏羅列。食過卽空。蔬食菜羹。儘可充腹。何必戕彼之生。損已之福哉。又思血氣之屬。皆含靈知。旣有

靈知皆我一體。縱不能躬修。至德聲名洋溢。以使之尊我親我。豈可日殘物命。以使之仇我憾我。於無窮也。一思及此。將有對食傷心。不能下咽者矣。如前日好怒。必思曰。人有不及。情所宜矜。悖理相干。於我何與。本無可怒者。又思天下無自是之豪傑。亦無尤人之學問。行有不得。皆己之德未修。感未至也。吾悉以自反。則謗毀之來。皆磨煉玉成之地。我將歡然受賜。何怒之有。又聞謗而不怒。雖讒焰薰天。如舉火焚空。終將自息。聞謗而怒。雖巧心力。辨如春蠶作繭。自取纏綿。怒不惟無益。且有害也。其餘種種過惡。皆當據理思之。此理既明。過將自止。何謂從心而

改。過有千端。惟心所造。吾心不動。過安從生。學者於好色好名好貨好怒種種諸過。不必逐類尋求。但當一心爲善正念時。時現前邪念。自然汚染不上。如太陽當空。魍魎潛消。此精一之真傳也。過由心造。亦由心改。如斬毒樹。直斷其根。奚必枝枝而伐。葉葉而摘哉。大抵最上者。治心。當下清靜。纔動卽覺。覺之卽無。苟未能然。須明理以遣之。又未能然。須隨事以禁之。以上士而兼行。下功未爲失策。執下而昧上。則拙矣。願發願改過。明須良朋提醒。幽須鬼神證明。一心懺悔。晝夜不懈。經一七二七。以至一月二月三月。必有效驗。或覺心神恬曠。或覺智慧頓開。或處

元沓而觸念皆通。或遇冤讐而回嗔作喜。或夢吐黑物。或夢往
 聖先貴提携接引。或夢飛步太虛。或夢幢幡寶蓋。種種勝事。皆
 過消罪滅之象也。然不得執此自高。畫而不進。理無窮。盡改過
 豈有盡時。昔遽伯玉當二十歲時。已覺前日之非。而盡改之矣。
 至二十一歲。乃知前之所改未盡也。及二十二歲。則回視二十
 一歲。猶在夢中。歲復一歲。遞遞改之行。年五十而猶知四十九
 年之非。古人改過之學如此。吾輩身為凡流。過惡蝟積。而回思
 往事。常若不見其有過者。心粗而眼翳也。然人之過惡深重者。
 亦有效驗。或心神昏塞。轉頭即忘。或無事而常煩惱。或見君子
 而赧然消沮。或聞正論而不樂。或施惠人而反怨。或夜夢顛倒。
 甚則妄言失志。皆作業之相也。苟一類此。即須奮發。舍舊圖新。
 幸勿自悞。

謙德之效

易曰。天道虧盈而益謙。地道變盈而流謙。鬼神害盈而福謙。人
 道惡盈而好謙。故謙之一卦。六爻俱吉。書曰。滿招損。謙受益。予
 屢同諸公。應試每見寒士。將達必一段謙光。可掬。辛未。計偕。
 我嘉善同袍。凡十八人。惟丁敬宇。賓年最少。極其謙虛。予告費錦
 坡曰。此兄今年必第。費曰。何以見之。予曰。惟謙受福。兄看十八

中有恂恂，欵欵不敢先人，如敬字者乎？有恭敬順承，小心謙畏，如敬字者乎？有受侮不答，聞謗不辯，如敬字者乎？人能如此，即天地鬼神猶將佑之，豈有不發者及開榜丁果中式，丁丑在京與馮開之同處，見其虛已，歛容大變，其幼年之習。李壽岩直諒益友，時面攻其非，但見其平懷順受，未嘗有一言相報，予告之曰：「福有福始，禍有禍先，此心果謙，天必相之。兄今年決第矣。」已而果然。趙裕峰光遠，山東冠縣人，童年舉於鄉，久不第，其父為嘉善三尹，隨之官，慕錢明吾而執文，見之明，吾悉抹其文，趙不惟不怒，且心服而速改焉。明年遂登第，壬辰歲予入覲，接夏建

所見其人，氣虛意下，謙光逼人，歸而告友人曰：「凡天將發斯人也，未發其福，先發其慧，此慧一發，則浮者以實肆者以斂，建所溫良若此，天啟之矣。」及開榜，果中式。江陰張畏巖積學工文，有聲菴林，甲午南京鄉試，寓一寺中，揭曉無名，大罵試官以為瞇目。時有一道者在傍，微哂，張遽移怒，謂汝何為笑我？道者曰：「相公之文必不佳。」張益怒曰：「汝又不見我文，烏知不佳？」曰：「聞作文貴心氣和平，今聽罵詈，試官之辭，則胸中不平甚矣，文安得工？」張不覺屈服，因就而請教焉。道者曰：「命若該中，即文字不工亦中，命苟不該，中文雖工無益也。須自己做個轉變，始得。」張曰：「命

既○不○中○如○何○轉○變○道○者○曰○造○命○者○天○立○命○者○我○力○行○善○事○廣○積○
陰○德○而○又○加○意○謙○謹○以○承○休○命○何○福○不○可○求○哉○張○曰○我○貧○儒○也○
安○得○錢○來○行○善○事○積○陰○功○乎○道○者○曰○善○事○陰○功○皆○由○心○造○常○存○
此○心○功○德○無○量○且○如○謙○虛○一○節○並○不○費○錢○你○如○何○不○自○反○而○罵○
試○官○乎○張○由○此○感○悟○折○節○自○持○善○日○加○修○德○日○加○厚○丁○酉○慶○至○
一○室○其○房○甚○高○得○試○錄○一○冊○中○多○缺○行○問○傍○人○曰○此○今○科○試○錄○
奈○何○多○缺○其○名○傍○人○曰○科○第○陰○間○三○年○一○考○校○須○積○德○無○咎○者○
方○有○名○如○前○所○缺○皆○係○舊○該○中○式○因○新○有○薄○行○而○去○之○者○也○指○
後○一○行○云○汝○三○年○來○持○身○頗○慎○或○當○補○此○珍○重○自○愛○是○科○果○中○
一○百○五○名○正○慶○中○所○指○者○也○由○此○觀○之○舉○頭○三○尺○決○有○神○明○趨○
吉○避○凶○斷○然○由○我○須○使○我○存○心○制○行○毫○不○得○罪○于○天○地○鬼○神○而○
處○心○屈○已○使○天○地○鬼○神○時○憐○我○方○纔○有○受○福○之○基○古○語○云○有○
志○于○功○名○者○必○得○功○名○有○志○于○富○貴○者○必○得○富○貴○人○之○有○志○如○
樹○之○有○根○乃○三○軍○不○可○奪○者○立○定○此○志○須○念○謙○虛○處○處○方○便○
自○然○感○動○天○地○而○造○福○由○我○今○之○求○登○科○第○者○初○未○嘗○有○真○志○
不○過○一○時○意○興○耳○興○到○則○求○興○盡○則○止○孟○子○曰○王○之○好○樂○甚○齊○
其○庶○幾○乎○予○於○舉○業○亦○云○

給而姑待者有之。抑或才力可舉而又虞山向矛盾年月不利而姑待者有之。抑或年月吉利而又事故多端機緣不偶或閭墻家庭或呻吟疾痛或構訟在官或經商在外而姑待者有之。誠如是也。且復一日年復一年有經數十秋而不葬者有經一兩代而不葬者。人有恒言人土爲安。何獨不聞乎。蓋葬者藏也。藏尸於棺猶人之室處也。藏棺于穴猶室之有墻垣也。不特骸骨以藏而有所附着亦使魂魄以藏而得所憑依。不然者如亡人未返故鄉涕洒蛩吟四壁如敝廬不傍村落。飄鶻所三更嗟乎人子何心顧忍置爲緩局禮曰父歿而不能殯父之書手

澤存焉耳。母歿而柩椁不能飲焉。口澤之氣存焉耳。又曰過廬墓則悽愴過宗廟則怵惕。偶一觸目不覺恫心。况日夕見父母之棺。蛛絲粘掛鼠跡縱橫。對妻子能晏笑自若乎。燕親朋則綢繆盡歡乎。朝出而暮入能偃息悠然。夢魘貼席乎。且也意外之虞。攻復不少。保無寇發盜生而罹兵火之厄乎。保無簷瓦墮損而受風雨之侵乎。保無瓦墮墻頽而遭覆壓之患乎。由是言之。匪直不忍久停。蓋亦不敢久停矣。昔有太學生羅葦禱前程于一祠。夢神告之曰。子干父母久不葬。已獲弄冥司鞫覺大懼。是年果死。郭元震年十六歲。遇有喪服者叩門。自言五世未葬。震

言書金
捐賞錢四十萬助之十八歲即舉進士官至吏部尚書封代國
公嗟嗟不葬父母者罪業如彼而助葬父母者功德如此尚可
遷延歲月以揀擇墳地為辭耶吾慮其欲求福蔭而凶禍先及
其身矣思之思之

過淫說

諸惡孽中惟淫孽為最蓋淫念一萌便思邪緣相湊生幻妄心
設計引誘生機械心少有阻碍生嗔恨心忘人之有生妬毒心
奪人之愛生殺害心種種善願由此消種種惡孽由此起此森
羅鐵榜必以淫為萬惡首也然而庸夫俗子顯蹈明刑罔知顧
忌至學士文人誦習聖賢竟爾自號風流侈談情種嬌艷何心
顧盼輒視為有意之疑眸深閨不無笑言便揣作多情之勾引
或賄不足餌而以才誘或直不遂而以巧媒繼繼則托于風姻
邂逅便神為天合機關不止千般流毒直兼數世不思月下花

間爲樂有限粉白黛綠轉眼卽空而惡因日積顯則傾家蕩產
平生之名利皆虛陰則削祿減年一世之榮華喪盡大則虧骨
辱親鄉閭交忿小則辱身賤行流落堪嗟甚至敗露觸兇而七
尺之軀頃刻作刀頭之鬼奈世之溺于此者動曰何傷嗟乎天
下受何傷之毒者豈少哉夫殺人者殺其一身淫人者殺其三
世蓋穢德必彰惡聲易播上而殺其父母矣中而殺其夫矣下
而殺其子女矣恥懸眉額之間痛纏心骨之內無異挾白刃而
刺人三世之腹而猶謂何傷吾誰欺欺天乎况昔人親見陰律
云姦人妻者得子孫淫佚報姦入室女者得絕嗣報試觀好淫
之家不報于妻妾卽報于女媳醜聲藉藉汚人聽聞至若婢女
僕婦尤易行姦不知家政不肅家道不和大都由此或妬妻鞭
撻以傷生或悍僕反唇以叛主或父子不知而聚麀或兄弟交
迷而薦寢甚者以骨肉胞胎淪爲賤媵後人無知誤行褻狎名
爲主婢之分陰有兄妹之戚傷風敗俗所不忍言又有假隨喜
之行踪誘空門之艷質敢汚佛地致壞清修此與尋常淫惡定
加三等更有別種狂癡漁獵男色徃徃外借朋友之名而陰圖
夫婦之好彼旣見鄙于衆人我亦不齒于正士且若輩惟慕少
年頓忘齒道淫其幼者何異于吾子吾孫淫其稍長者何殊于

吾弟吾姪父事兄事之謂何而淪汚若此少知禮義者當必汗
流浹背翻然愧悔矣等而下之狎優童昵俊僕心因慾亂內外
不分我既引水入墻彼必乘風縱火其間蓋有不可知者他如
寄興青樓自謂于德無損不知淫娼賤質百種温存無非陷人
鈎餌一入其中極聰明人亦被迷惑况遇屍勞之婦瘡毒之妓
性命莫保形體臭爛生子卒皆不育嗟何及哉顧巫雲楚岫幻
夢方酣誰爲喚醒惟在當境之初動念之始亟思降伏能惕然
思曰淫人妻女妻女亦被人淫若何視人之妻如已妻之惡人
犯視人之女如已女之惡人汚此爲上也其次眼光落面妖態

攢心有慧劍一焉曰忍而已矣狠忍而已矣饑不食虎餐渴不
飲醜酒忍之說也蝮蛇螫手壯士斷腕毒矢着身英雄刮骨狠
忍之說也要其得力則又在平日父兄師友訓迪漸染之功務
使胸中於禮法因果確信不疑觸境猛省自能瞥地迴光歷觀
古之賢達片刻撻持於已何損而登大魁致顯位享富壽福子
孫較之半世黃卷青燈與他途積德累仁者逐事半功倍人又
何苦以俄頃之歡娛卜終身之荼毒甘蹈下愚若此哉第風月
場中最易失足半生淪墮顧影慚惶求其守正不染者其能有
幾終日戒不淫淫心特熾逢人言寡慾慾種更滋縱情莫返自

取賈盈誠始迷而終悔卽灾去而福隨上蔡先生云天道禍淫不加悔罪之人斯言信矣然又不但淫行當戒已也嘗見讀書才士與一切伶俐俊少談及淫汚私情必多方揣摩一唱百和每因言者津津遂致聽者躍躍夫姦惡陰私實係終身名節一言偶失殃累無窮使其生則含羞死猶遺臭先人蒙垢孫子懷慚上干天怒莫此爲甚况復含沙噴血玷清白之芳名吠影捕風肆譏評而無忌者乎若夫傳奇小說多屬子虛雖意取譏時或理含警世而上智難槩中下爲多披覽之餘動心失性則人之孽皆其孽矣普望自覺之餘更思覺世吐舌上之青蓮揮

案頭之彩筆表章感應救援滯迷或廣坐危言或密至苦口毋畏抑揄毋避迂腐宛轉勸導必能使聽者大發深省予以廻蛾眉伐性之狂瀾施錦陣迴頭之良藥豈非所謂愛人以德自求多福者哉至千貞淫果報不爽毫分古人詳矣茲不復載

行不費錢功德例

官長不費錢功德

忠君為國

惠恤蒼生

民為邦本

崇敬斯文

繼往開來安邦定國實賴乎此

辟

除邪說

三教之外則為邪說

有利必興

有害必除

旌表節孝

嚴

懲淫逆

嚴法以創懲之痛言以化導之

勤講鄉約

朔望必講預示保甲委曲勸導毋務虛名

嚴

行保甲

十家為甲十甲為保內有姦逆賭盜等保甲長報官隱匿同罪月朔令捕官取保甲長並無前犯結狀至于姦

點保甲務擇老成計年遞換

化大事為小事

化小事為無事

不輕標

判不濫差人

事不可行

雖嚴檄必挽回

情有可原雖成

案必矜恤

事屬曖昧不自逞已見

事關閭閻摘他事結局

不輕發火籤硃單事關緊急并兇。不節外生枝騷擾。不

依樣葫蘆防冤抑也。不輕拘婦女倘舊家子女萬不得已許用小

面。不輕用重刑体上帝好生免難受屈招。不輕送監鋪防孤子無親或私仇絕食。

不狗情屈法。不受私淫刑。不離斷婚姻。不拆散骨肉。

不輕狗公舉防攢害也。不輕聽左右恐有私也。不輕拏窩家防仇誣也。

不出票取物絲毫皆民膏血且慮指官冒濫。不擅興工作勞民傷財應為休恤。不輕

率任意。不執法太苛。不假權吏胥。不逢上虐下。不以

狗私壞人功名。不以私忿害人性命。不作威恐鄉愚畏補下情難達。

不動怒恐雷霆之下受者難當。嚴禁掠賣鬻良為賤除莫甚焉。軫恤獄囚草木皆天。

命。水旱必報災傷。饑荒設法賑濟。已赦罪犯勿羈留。

已蠲錢糧勿復問。驅逐賭博烟花弭盜源端風化也。嚴止賽會飲

戲杜擾害防不測也。禁作粉花人物重五穀也。禁造泥神聖像戒褻慢也。

禁宰牛犬。禁捕水鷄形類人刑極慘。徵比勿恣意敲朴積年疊比尤不可。

候犯必委曲從寬。里書借錢糧騙害鄉愚加等重治官長每因藐抗循

錢糧狗里書審實故宜重。差人借貌抗誣人倍法戒懲官長每因藐抗循差役審實故宜倍

有心保全善類。無意搜尋富家。疑事設法得情。難事

細心求理。誣告必坐清訟源也訟源清則毓狀少可杜奸宄傾人家敗人產之謀矣。唆

訟必懲息訟端也訟端息則人得安居樂業。批迴卽發。解到卽審。比較審

審實故宜重。

號遇大風雨雪嚴寒酷暑懸示改期。凡遇上行錯誤失宜婉
 曲開陳改正。遇好事多方曲成。遇匪人刑教並用。通溝
 渠以開水利。創良法以利百年。有利于後日勿以目前小
 碍而不為。貽害于將來勿以日下便宜而苟且。無知情故枉
 無代人詐騙。凡事不輕累隣佑。冤抑必力為辨明。嚴
 禁需索鋪堂。訪拿衙役詐害。聽審比較遇他事早諭更期。
 和息投稟先日准出免其伺候。投文比限晝一時刻。天
 理人心不爽絲毫。多發正風化俗諭民敦行告示。常禁逆
 親假命毆辱斯文告條。矜原錯誤。罪疑從輕。老幼病饑

不加朴責。隨行遠路憐勿加刑。親族無依勿輕答責。盛
 寒炎暑勿易加刑。酒後勿審詞訟。怒時慎勿用刑。考試
 秉公勿令孤寒抑鬱。揀持廉謹毋謂昏夜無知。廣文敬奉
 先聖先賢。勸修賢廡聖殿。勤課會日省月試。敦實行旌
 優懲劣。武臣嚴禁奸淫擄掠。勿令騷擾地方。恤士卒飢
 寒疾苦。勿誣良為賊以邀功。寬宥脅從。不殺降卒。不
 燒房舍。不行屠戮。不放牛馬踐踏五穀。不縱士卒重利
 剝民。不許強買物件。不縱捉人負戴。

鄉紳不費錢功德

倡率義舉。正已化俗。有利地方事。盡心開導。官長。有害
地方事。極力挽回。上官。民間大冤抑。公行表白。閭閻角口。
公道解紛。不說昧心人情。公阻橫徵暴斂。代達民隱。
公舉利弊。薦賢良。表節孝。除忤逆。革奸淫。扶持風
化。保護善良。嚴杜子弟恃勢凌人。不許僕從倚勢生事。
不侵占人田園。不謀買人產業。不攙搭低銀成產。不
包管戶外事。不借端害人。不徇情屈法。不謀奪風水暨
欺壓隣傍風水損人利己。不圖方員適自己意妨人便利。
不指短人價值。不輕聽僕從言。諭人和息詞訟。爲人解

冤釋結。不强借人財物。不强賒店貨。鋤強扶弱。敬老
恤貧。不多娶姬妾。不畜寵童。

士人不費錢功德

忠主孝親。敬兄信友。以名節立身。以忠孝訓俗。敬奉
聖賢典籍。盡心啓發生徒。敬惜字紙。謹修言行。誨門
人言行並教。嚴弟子出入荒癢。設義塾鄉學。訓貧子弟。
講鄉約律法。勸戒愚人。凡事涉閭閻者。不輕言不落筆。凡
事屬陰私者。不攻發不猜疑。不書誣揭。不寫呈稟。不作
離婚分別紙。不昧心黨護親朋。不恃血氣扛帮。不造謠

言言寶鑑
三
話活說。不詆毀平人。不凌虐鄉愚。不妄圖文字。欺哄無知。不自負才高。輕慢同學。不譏笑人文字。不廢散人書籍。不恃衣頂呈人。不作昧心干証。遇上知。講性理學。見愚人說因果書。

農家不費錢功德

耕作以時。照顧蟲蟻。糞田不害物命。不阻斷走路。填坑塹。以便行人。不唆田主謀買取方田地。不夥僕人盜賣主人穀粟。不藉主人勢。縱放六畜。殘隣田禾苗。不誚奉主人耕占隣田溝心岸界。不坪斷人墳墓。左右前後風水。坪音平平

其地也。

不耕占迷失墳墓。不攔唆主人故意阻塞水道。指隣

田錢財。不私動主人種糧。恐臨期糝稗欺混致損秋成。不忌隣田禾苗

茂盛。妄生殘害。不借口隣田六畜殘毀禾苗。唆主人詐害

不代人做工。懈怠不力。荒人田畝。不以酒飯不厚。工錢短少。

遂生怠惰。做假生活。填墳墓穴洞。愛惜他人車具。驢牛

猪羊食禾苗者。不輕刺戮。犁車牛路。不圖超近。踐人禾苗。

不于戊日犁鋤田土。澆灌穢糞。汚觸地祇。西王母曰。春犯戊日。則犯地靈。夏犯戊日。令人損目。非灾動土。則犯五岳威靈。秋犯戊日。令人時疫瘧疾。動土則犯山川社令。冬犯戊日。令人官非。口舌。動土則犯四瀆神祇。抱朴子曰。蛇逢巳日。不出道。燕逢戊日。不啣土。微虫尚知陰陽忌。何況人為萬物靈。故釋道等家亦

言言寶鑑
三

言言寶鑑
忌燒香齋醮。
犯之莫解。

百工不費錢功德

雕畫不褻賣聖像。成物必求堅實。不因主人酒飯簡慢。輒生壞念。存心思不吉利語。不任手造作。苟且草率。不行魔魅法。不攛哄人興造。不傳播主東家常隱微。謂說主顧家中長短事。不造僥薄假物。不耽延捱工。不圖帶買受謝。哄買假貨。不以裂破者混哄。不輕毀成物。不妄作淫巧。不污損人衣物。不偷人材料。恐短小窄狹致壞人正經衣物。不輕費人材料。愛惜鋪墊遮蓋物件。概鋪防歷人足。概音掘所以繫船者概。若置當塗恐人有歷

之。填塞概鋪洞。恐陷人足。

急流中代篙代緯。擠塞中讓篙讓緯。

不因指索多資。羈遲急事人登岸。丸藥依法泡製。不偷

人貴藥。恐失藥性。并失君臣輕重。服之無效。且誤人性命。

商賈不費錢功德

討價不欺哄鄉愚。不高擡柴米價。貧人買米不虧升合。不賣假貨。出入不用輕重戥秤。小大升斗。凡病人所需貨物。不措勒高價。恐貧人無力措辦。致病者難堪。汗穢餽饌。不可欺人不見。仍賣人用。不謀奪生意。不忌人生意茂盛。多方讒毀。交易公平。童叟無二。深夜買急需物者。不以寒冷不應。恐係病人所需。

病極。典舖輕減利息。當銀錢足其等色。貧人錢數分數。尤
思食。加寬恤。贖當少虧無補。諒情讓免。勿使不成。致恨沉沒。
積畜多日。始來求贖。若以此些小無補。致復散失難聚。因而沉沒其恨不小。不齊行勒重價。貧人
買夏帳綿衣被等。哀憐讓價。勿使不成。被失便是地獄。

醫家不費錢功德

施効驗方。遇急病請到。即行。遲速時刻。生死攸關。診脈不輕率。不
 因貴藥輒減分數。不因錢少色低遲滯其往。用藥按君臣
 多寡。不粗率任意。不因錯認病症下藥委曲回護。不因
 初寒暑雨憚于遠赴。不因飲酒燕樂託辭不往。遇貧病者

捐藥救治

徑云救人一命勝造七級浮屠。福報不爽。

不用反藥。遲其痊愈。治本易

反藥遲延。以圖厚謝。外科尤甚。壞良心喪天理。不可不戒。不用霸道藥。求其速効。恐傷人

非劫藥。不因重病險瘡。措勒厚謝。此與上反藥遲痊陰律最重不可不戒。不輕下

劫藥。干係非小。不妄驚人家。不賣假藥誤人病。不輕忽貧賤

病人。不與同道水火。誤及病人。不圖省便。以相皮藥同器

浸漬。恐氣味相反。有妨病者。不用墮胎藥。不忌時醫。輒生毀謗。細

心問病信實。然後用藥。認病不真實。必令邀醫會議。請不

再邀。念在床褥者刻不待時速行方便。不乘輿舟。費人財物。遇貧賤家。尤不可。不

以丸末擅稱貴味欺人。不待藥資。然後發藥。

惟公門中不費錢功德

公門中。捺殺人之權。即有生人之柄。故曰公門好修行。天堂地獄。准君自造。

隨事方便。不勒討兒賣女錢。

不唆人興訟。小則破人家。大則害人命。不可

不無中生有索詐。不掇制官長生事。

不捺案。不妄

引重律。牌票招詳字眼。不改輕為重。

一字殺人。不可不慎。不騙詐鄉

愚。不生枝節提人。

一夫到案。問戶不齊。

不唆盜賊報仇家。

不輕口

嘈雜人。不乘危索騙。

不輕敗人體面。

不哄提人伺候。

不受買囑。妄加鎖錮。

不假公造語陷人。

不洗補字眼。入人

罪。恨人罪。不下死煞字語。

筆下超生。此之謂也。

杖笞不聚人一處。不

因無錢很刑。不杖人腿灣。

不浪費人茶飯。

不破壞人婚

姻。不叨准呈稟。

不勒指。不輕送籤牌標判。

籤牌一出。雞犬不安。

不濫差人動眾。不輕拘婦女。不重備刑具。

不誣害良民

不索鋪堂。不輕拿窩家。不輕寫票收人監舖。

不輕票

取人物。不逼病人婦女到官。

不使百工經紀折本。不壞

人功名性命。不離人骨肉。不驚動隣佑。

不獻惡法。橫徵

酷比。不迎官意虐民。不使人饑餓。

軫恤獄囚。矜原差

悞。已赦罪犯。勿復提起。

已蠲錢糧。勿勒減銷。

水旱請官

早報災傷。設法賑濟。

批迴速請發。

解到速請審。

事屬賧

昧。或閩閩閩稍可緩止。切勿送發。

前件未完。勿掛後件。使人

伺候。多送正風俗。興利除害告示。夫節事。無論貴賤。雖目擊。必為辨解。節孝之名。不論低微。雖傳聞。必為表揚。學役時常清潔聖殿兩廡。常請勸修整齊。節孝德行。鄉飲訪實不虛。劣生訪實惡款。方始申究不枉。

婦人不費錢功德。婦人心性偏執。為父母夫者。當以此詳悉勸諭。必使信從。方盡父道。夫道耳。

孝敬公姑。孝為百行之首。和睦妯娌。妯音逐。娌音李。兄弟之妻曰妯娌。能和睦。正是孝敬處。

不凌虐婢妾。尊卑名分。寔命不猶。設身處地。首不凌虐。不殘害妾生子女。封贈執喪。必先

嫡母。古云子無嫡庶。何可兩樣。看承。况孤臣孽子。達者居多。不攬分家。易得者家資。田地豈可攬分。豈可攬分。推讓則賢聲噴噴。和氣致祥。以致天性不和。揀搶則惡名難掩。戾氣致殃。

不揀搶美物。推讓則賢聲噴噴。和氣致祥。以致天性不和。揀搶則惡名難掩。戾氣致殃。

不凌嫌丈夫。夫猶天也。終身所靠。富貴貧賤。前生分定。稍有凌嫌之心。必有災禍。隨之世之空幃。衾寒皆其報也。

不攬謀婚姻。婚姻前定。何用攬謀。前妻子女。一樣看承。閔子騫曰。母在。一子寒。母去。三子單。斯言可悟矣。

穢物穢器。勿暴露神前。及三光下。三光。日月。星辰也。

不在公姑前。掀鬪是非。不厭女淹溺。人命關天。殺兒尤甚。不入寺院

燒香。生事壞法。多由于此。尼姑出入。所當預防。不憤氣詈罵。甚及丈夫父母。冥律腹誹

丈夫父母。罪在不赦。况罵詈乎。不忌伯叔富有。非勤儉所致。即前世宿因。但當效法。豈可忌之。不

笑妯娌貧乏。妯娌貧乏。誼應周恤。若生戲笑。尖刻自然福薄。不倚父母家財勢。以傲

夫家。不挑唆妯娌不和。此謂長舌婦。敗家亡國。皆由于此。不可不知儆戒。不恃父

母愛。欺凌哥嫂。在家時少。出嫁日長。天運循環。恐人加我。不占強爭勝。不賣俏

賣乖閨門淑媛尤宜痛戒。不留私食以起釁。不暴殄衣飾。不毒口

咒罵。不言人私情。不毆罵奴婢憐血之可保子孫不為人奴婢。不墮妾

胎毒心必有奇禍。不恃寵滅正名分千古不易恃寵滅正陽法陰律均屬不赦。嫡妾不造

端讒和氣致祥造端生禍。子女不私心偏向。口不多言。身不出

閨。

士卒不費錢功德

忠國衛民。謹守法令。不妄殺平民人命關天。不活人婦女大德

攸關天報不薄。不搶擄財帛財帛與民命相連。不因挾財不遂妄加毆殺

不拆毀人墻屋。不毀壞人家伙。不挖墳墓造鍋竈各有祖宗

於心何忍。不砍伐墳木。不擄掠子女。不勒買貨物。不欺嚇

鄉愚。不强索酒食。不踐踏人禾苗。不硬使低假錢銀。

不重利盤剝小民。征巢不剝人衣裳。路途不扯人負戴。

僧道不費錢功德

謹守清規。嚴持戒律。不窺人婦女。揭卷必先盥手。不

使婦人入寺院。齋醮日尤不可私窺婦女一念少弛即無以格天帝况私窺

則邪念隨之矣罪過尤甚。齋醮日不妄笑語見官府且不可笑語况神聖乎。齋醮前後

不葷酒淫色葷酒淫色僧道犯之實干天條終身謹守豈但齋醮前後乎此為上居赴行者言然既欲瞻仰神

聖亦何時不宜儆戒。齋醮日鼓鈸不頑戲。不誦經斷頭。不將施主

銀錢賭博浪費。廟中建醮不苟簡香燭。不用神前油燭。

祈禱必誠誠。募修壞橋窪路。窪水潭也勿使殿宇佛像坍塌。募建

不如募修。募施冬夏茶湯。不以十方錢糧克私橐。不借講經

建壇招致婦女入寺。不享閒食衣度光陰。

僕婢工役不費錢功德

小心勤謹。潔淨飯飾。不搬弄是非。致主人骨肉不和。不

傳說主人隱事。不肯主向客。不誤主委托。不誣枉嚼舌。

不拋棄潑撒飲食。不糜費主人柴米物料。不霉爛主人

衣服損壞器皿。不偷盜財物飲食。不倚勢強買短價。不

因仇恨激怒主人生事。不因打罵妄生咒詛。不因主貧懦

玩侮。不因衣食不敷萌二心。不同輩攬害。不尅落錢財。

不欺哄幼主。不奸巧躲懶。不見利忘恩。

大衆不費錢功德

孝順父母。生我劬勞昊天罔極故友愛兄弟。易得者賤財難

冥律云百善孝為先之手足死喪孔懷闔牆禦侮何可不

便友愛况和妻子宜兄弟正順父母處

我作事畏天地鬼神。軫孤恤寡。孤兒寡婦天恩所未及者

大矣。不暴殄天物。用等出入公平。一用秤不捺分量。不言

人祖父卑微。不談人閨闈。遇他人言及幼輩可正言叱之

有勢可使不使。不行使低假銀。商賈遇之必致折本小經紀遇之性命攸關設身處地情何以堪不不強買計買。虧人命本不恃乖愚拙。巧人巧天吏可不戒不毀人成功。凡事成功甚難豈可輕毀完婦女節。名節關乎終身百世成全以完。延續人嗣尤大如欲度人種不在此例不妬富欺貧。不恃強凌弱。不挑唆搬鬪。不下井落石。不許人陰私。不因隙咒詛。不見財毒害。不妄起淫心。陰律云萬惡淫為首不污人名節。不逞志作威。不辱人求勝。不包藏禍心。不彰人短炫已長。勸人鄰里親戚和好。見漁獵屠戶。亟勸其改業從善。體恤奴婢事可怒而不怒且善教之。奴僕

亦人子所。傳說因果方術。傳布感應善書。息人爭訟。少者錢耳。歡喜放生。不拋棄五穀。不播揚人惡。勸人不溺子女。救人之命功德甚大。拾財寶還人。財命相連。福報不小。當欲可染不染。凡事不用字紙。見播人過者止之。見揚人善者助之。見人憂患善為勸慰。化人不嫖賭。不說誑語。不負財物寄托。不欺殘疾愚痴及老幼病人。遇急病無人料理者即代請醫調治。安貧守分不生伎求。引過歸己推善與人。交絕不出惡聲。婚姻未成者贊助之。伉儷將乖者勸和之。不忘人恩。不念人惡。不助人為非。不謗僧道。水流屍骸。冥官

撈起掩埋。道路死人倡募棺木。地上遺骸收取焚化。凡

民有喪匍匐救之。詳指路津。雪人冤枉。不賣蒸菘種糧。

役使奴婢時時察其饑寒病暑。率鄉里平升斗等秤。禁

幼子女凌虐婢僕。漸不可長。且乖壽元。不凌虐妻妾。不聽婦人言踈

殘骨肉。不窺人私書。興造顧隣人風水。受享知慚愧。

贊成人好事。不賣良為賤。禁無故宰殺。如有故用現成。不殺更妙。

不埋沒寄托子女姓氏。不以祖父棺槨暴露。功過格云。暴露親板。日為一

過律云。久淹親柩。一年杖八十。不以祖父骨骸頻遷。妄希富貴。不說傷

風化語。陰律最重口過諧謔。諛譏誚削盡祿籍。婢及二句者。速遣嫁。勿再留滯。

不乘火窺人婦女。不借救火携人物件。說話存忠厚。不

傲慢尊長。不離間骨肉。常將不如己者。強自寬解。婦女性奢。不知

足不知安分。須常以不如我者導之。見諸聖像。瞻仰恭敬。不阻人為善。

不順人為惡。不毀禽獸巢穴。上者為巢。下者為穴。不取鳥卵。一卵一

三春不打鳥。打鳥者。歷遭慘報。人當猛戒。至于三春。尤母子相依之日。斷不可動。義犬不賣

屠家。犬之有義。甚于人心。且其知覺與人無二。不食耕牛犬肉。牛列天宿。且與地

不變。有志富貴者。尤宜永戒。不捐勒佃戶。和寒暑雨。受盡辛苦。田主安享。不可不恤。見有當

救者。勉力必救。凡可從寬者。勉力必寬。不沉匿借人物。

不以他人物不存愛惜。不因善人失意。自己為困。遂退善念。

貧困乃受前生之孽報。不見惡人富貴，遂疑報應之爽。眼前富貴

為善必有將來之福祿。乃其前生福報現今。糕餅藥餌，必先父母而後兒孫。扶貧

濟困，必先本宗而後外族。一切事情，俱推已度人及物。所欲

必推所惡勿施。勿以善小而為，勿以惡小而為之。

富貴家費錢功德，人可勉力而為，不必拘定富貴功德尤大。

施貧人及無主屍骸棺木。施老幼窮人冬襖被夏蚊帳。冬無綿襖

被夏無蚊帳，便是地獄。施應病丸散膏藥。配准君臣不可，以貴藥短少。河津造船

渡人。凶歲設廠賑粥。老幼病婦不能行者，計口授米，勿使匍匐致斃。捐免貧人

債負。修建橋梁。平治道路。代納極貧人錢糧。代贖極

貧人寒衣夏帳。經驗良方，刊刻流傳。輕減利息。隨緣施

捨銀錢衣食舊鞋襪。一文一口俱是功德，故曰隨緣。施義塚地。代完人婚

娶。冬施薑湯。夏施涼茶。救濟殘廢有疾人。教養無依

孤獨。倩人拾遺骸。稟官瘞埋。僱人或供僧道拾字紙。遇

旱潦荒歲，倡眾開河治渠，以濟貧人。代繫獄者完罪贖銀。

親友窘乏者，量貸使貿易資生。富不行賄，貴不使勢，難為人

遺嫁女使，不計身錢。陰濟極貧寒士。品行之士不受人憐，陰濟者非半夜投金

之謂乃周之有道餽之有名無周濟之跡，令有知者。不用色銀私錢。色銀私錢，貧人得之，大半折少無用。

周濟宗族。族雖有五服內外之分，自高祖視之皆子孫也，福澤既歸於我，何可不為。刊刻忠


報應之長

孝因果經典善書勸化人為善。裝修剝落聖殿宇古塔。給賞以收撈水中屍骸。贈流落異鄉人盤費。設法周救水火難中人。贖擄掠婦女及賑賣水戶者歸還父母。不能殯葬者助之。糾眾立慈幼局置乳媪收養棄兒。贖流落舊家子女。能教養嫁娶之其功德尤大立義塾延師教無力子弟讀書。延知法律講明曉諭勿使人犯罪。

善書寶鑑一書實出自丹桂籍壬午秋余得書板於綏卿曹君致固家即原校書之曹幼春也檢察板片儘有二百一十六頁餘俱遺失是年春綏卿辭世無從問津棄之可惜補之實難因取丹桂籍互相印證惟書中有刪有增前後承接之處極難聯絡成帙故竭盡心力凡原刪者補之原增者全之並另立補錄各案以免遺漏共新補一百一十五頁俾書無殘缺詎非快事乎余不敢謂畢綏卿六君子未竟之志惟勸善懲惡稍贖愆尤故不覺銳意為之光緒乙酉冬月下浣北平敬勝子謹識

報應之表

Table with multiple columns of faint, illegible text, possibly bleed-through from the reverse side of the page.



飛應之衣